

四庫全書

經部

欽定四庫全書

子部  
保命集卷中

詳校官太醫院吏目臣周世泰

編修臣倉聖脈覆勘

總校官檢討臣何思鈞

校對官中書臣王 璦

謄錄監生臣邵士洙

欽定四庫全書

保命集卷中

金張元素撰

中風論第十

論曰經云風者百病之始善行而數變行者動也風本  
生於熱以熱為本以風為標凡言風者熱也叔和云熱  
則生風冷生氣是以熱則風動宜以靜勝其躁是養血  
也治須少汗亦宜少下多汗則虛其衛多下則損其榮

汗下各得其宜然後宜治在經雖有汗下之戒而有中藏中府之說中府者宜汗之中藏者宜下之此雖合汗下亦不可過也仲景曰汗多則亡陽下多則亡陰亡陽則損其氣亡陰則損其形經曰氣血者人之神不可不謹養也初謂表裏不和須汗下之表裏已和是宜治之在經也其中府者面加五色有表證脉浮而惡風惡寒拘急不仁或中身之後或中身之前或中身之側皆曰中府也其治多易中藏者唇吻不收舌不轉而失音鼻



不聞香臭耳聾而眼瞽大小便秘結皆曰中藏也其治多難經曰六府不和流結為癰五藏不和九竅不通若外無留結內無不通必知在經也初證既定宜以大藥養之當順時令而調陰陽安藏府而和榮衛察病機審氣宜而少有不愈者若風中府者先以加減續命湯隨證發其表若忽中藏者則大便多秘溢宜以三化湯通其滯表裏證已定別無他變故以大藥和治之大抵中府者多著四肢中藏者多滯九竅雖中府者多兼中藏

之證至於舌強失音久服大藥能自愈也有中風濕者  
夏月多有之其證身重如山不能轉側宜服除濕去熱  
之藥治之不可用鍼可用灸今具六經續命湯方小續  
命湯通治八風五痺痿厥等疾以一歲為總以六經為  
別春夏加石膏知母黃芩秋冬加桂附芍藥又於六經  
別藥隨證細分加減自古名醫不能越此

凡覺中風必先審六經之候慎勿用大熱藥烏附之類  
故陽劑剛勝積燎原為消狂瘡腫之屬則天癸竭而榮

涸是以中風有此誠故經所謂邪風之至疾如風雨易  
曰橈萬物者莫疾乎風若感之淺者留於肌膚感之深  
者達於骨髓蓋禍患之機藏於細微非常人之豫見及  
其至也雖智者不能善其後是以聖人之教下皆謂之  
虛邪賊風避之有時故中風者俱有先兆之證凡人如  
覺大拇指及次指麻木不仁或手足不用或肌肉蠕動  
者三年內必有大風之至經曰肌肉蠕動命曰微風宜  
先服八風散愈風湯天麻丸各一料為效故手大指次

指手太陰陽明經風多著此經也先服祛風滌熱之劑  
辛涼之藥治內外之邪是以聖人治未病不治已病又  
曰善治者治皮毛是止於萌芽也故初成者獲愈固久  
者伐形是治未病之先也

中風之人如小便不利不可以藥利之既得自汗則津  
液外亡小便自少若利之使榮衛枯竭無以制火煩熱  
愈甚當候熱退汗止小便自行也兼此證乃陽明大忌  
利小便須當識此中風之人能食者凡中風病多能食

蓋甲巳化土脾盛故能食由是多食則脾氣愈盛土克  
制腎水水虧則病增劇也病宜廣服藥不欲多食病能  
自愈中風多食者風木也盛則克脾脾受敵求助於食  
經曰實則夢與虛則夢取是也當瀉肝木治風安脾脾  
安則食少是其效也中風之人不宜用龍麝犀珠譬之  
提鈴巡於街使盜者伏而不出益使風邪入於骨髓如  
油入麪莫能出也此之類焉若痰潮不省昏憤不知事  
宜用藥下其痰涎故風者百病之長庸可忽諸

小續命湯

麻黃

去節

人參

黃芩

各一兩

芍藥

防己

桂

川芎

各一兩

防風

一兩半

附子

半兩

杏仁

甘草

各一兩

右除附子杏仁外搗為麤末後入二味令勻每服五  
七錢水一盞半生薑五片煎至一盞去滓稍熱服食前  
凡中風不審六經之加減雖治之不能去其邪也內經  
云開則淅然寒閉則熱而悶知暴中風邪宜先以加減

續命湯隨證治之

中風無汗惡寒麻黃續命主之

麻黃

防風

杏仁

依本方添加一倍宜鍼太陽至陰出血崑崙舉蹻

中風有汗惡風桂枝續命主之

桂枝

芍藥

杏仁

依本方加一倍宜鍼風府已上二證皆太陽經中

風也

中風無汗身熱不惡寒白虎續命主之

石膏

知母

一料中各加二兩

甘草

依本方加一倍

中風有汗身熱不惡風葛根續命主之

葛根

二兩

桂枝

黃芩

依本方加一倍

宜鍼陷谷刺厲兌鍼陷谷者去陽明之賊刺厲兌者瀉陽明經之實也已上二證陽明經中風也

中風無汗身涼附子續命主之

附子

加一倍

乾薑

加一兩

甘草

加三兩



宜刺隱白穴去太陰之賊也此一證太陰經中風也  
中風有汗無熱桂枝續命主之

桂枝

附子

甘草

依本方  
加一倍

宜鍼太谿此證少陰經中風也

中風六證混淆繫之於少陽厥陰或肢節攣痛或麻木  
不仁宜羌活連翹續命主之

小續命

八兩

加羌活

四兩

連翹

六兩

古之續命混淆無六證之別今各分經治療又分經鍼

刺法厥陰之井大敦刺以通其經少陽之經絕骨灸以引其熱是鍼灸同象法治之大體也

中風外無六經之形證內無便溺之阻格知血弱不能養筋故手足不能運動舌強不能言語宜養血而筋自榮大秦芎湯主之

秦芎

兩三

甘草

兩二

川芎

兩二

當歸

兩二

白芍藥

兩一

細辛

兩半

川羌活

防風

黃芩

兩各一

石膏

兩二

吳白芷

兩一

白朮

兩一

生地黃一兩

熟乾地黃一兩 白茯苓一兩

川獨活二兩

右一十六味剉每服一兩水煎去滓溫服無時如遇  
天陰加生薑煎如心下痞每兩加楮實一錢同煎  
中風外有六經之形證先以加減續命湯隨證治之內  
有便溺之阻格復以三化湯主之

厚朴

大黃

枳實

羌活各等分

右剉如麻豆大每服三兩水三升煎至一升半終日  
服之以微利為度無時法曰四肢不舉俗曰癰瘕故

經所謂太過則令人四肢不舉又曰土太過則敦阜  
阜高也敦厚也既厚而又高則令除去此真所謂膏  
梁之疾非肝腎經虛何以明之經所謂三陽三陰發  
病為偏枯痿易四肢不舉王注曰三陰不足則發偏  
枯三陽有餘則痿易易為變易常用而痿弱無力也  
其治則瀉令氣弱陽衰土平而愈或三化湯調胃承  
氣湯選而用之若脾虛則不用也經所謂土不及則  
卑陷卑下也陷坑也故脾病四肢不用四肢皆稟氣

於胃而不能至經必因於脾乃不得稟受也令脾不能與胃行其津液四肢不得稟水穀氣日以衰脉道不利筋骨肌肉皆無氣以生故不用焉其治可補十全散加減四物去邪留正

愈風湯中風證內邪已除外邪已盡當服此藥以行導諸經久服大風悉去縱有微邪只從此藥加減治之然治病之法不可失其通塞或一氣之微汗或一旬之通利如此為常治之法也久則清濁自分榮衛自和如此

初覺風動服此不致倒仆

羌活

甘草

防風

蔓荊子

川芎

細辛

枳殼

人參

麻黃

甘菊

薄荷

枸杞子

當歸

知母

地骨皮

黃耆

獨活

杜仲

吳白芷

秦艽

柴胡

半夏

前胡

厚朴

熟地黃

防己

各二兩

茯苓

黃芩

各二兩

石膏

四兩

芍藥

三兩

蒼朮

生地黃

各四兩

桂

一兩

已上三十三味通七十三兩

右剉每服一兩水二盞煎至一盞去滓溫服如遇天  
陰加生薑煎空心一服臨卧再煎藥滓服俱要食遠  
服空心一服喫下二丹丸為之重劑臨卧一服喫下  
四白丹為之輕劑動以安神靜以清肺假令一氣之  
微汗用愈風湯三兩麻黃一兩均作四服一服加生  
薑五片空心服以粥投之得微汗則佳如一旬之通

利用愈風三兩大黃一兩亦均作四服如前煎臨卧服得利則妙常服之藥不可失四時之轉如望春大寒之後加半夏二兩通四兩柴胡二兩通四兩人參二兩通四兩謂迎而奪少陽之氣也望夏之月半加石膏二兩通六兩黃芩二兩通五兩知母二兩通四兩謂迎而奪陽明之氣也季夏之月加防己二兩通四兩白朮二兩茯苓二兩通五兩謂勝脾土之濕也初秋大暑之後加厚朴二兩通四兩藿香二兩桂一



兩通二兩謂迎而奪太陰之氣也霜降後望冬加附  
子一兩桂一兩通二兩當歸二兩通四兩謂勝少陰  
之氣也得春減冬四時類此雖立法於四時之加減  
更宜臨病之際審病之虛實熱寒土地之宜邪氣之  
多少此藥具七情六慾四氣無使五藏偏勝及不動  
於榮衛如風秘服之則永不燥結如久瀉服之則能  
自調初覺風氣便能服此藥及新方中天麻丸各一  
料相為表裏治未病之勝藥也及已病者更宜常服

無問男子婦人及小兒驚癇搐急慢驚風等病服之神効如解利四時傷風隨四時加減法又療脾腎虛筋弱語言難精神昏憤及治內弱風濕內弱者乃風熱火光體重者乃風濕土餘內弱之為病或一臂肢體偏枯或肥而半身不隨或恐而健忘喜以多思故思忘之道皆情不足也是以心亂則百病皆生心靜則萬病悉去故此藥能安心養神調陰陽無偏勝及不動榮衛

四白丹能消肺氣養魄謂中風者多昏冒氣不清利也

白朮

半兩

白芷

一兩

白茯苓

半兩

白檀

一錢半

人參

半兩

知母

二錢

縮砂仁

半兩

羌活

二錢半

薄荷

三錢半

獨活

二錢半

防風

川芎

各五錢

細辛

二錢

甘草

五錢

甜竹葉

二兩

香附子

五錢炒

龍腦

半錢另研

麝香

一字另研

牛黃

半錢

藿香

一錢半

右件二十味計八兩六錢三字為細末煉蜜為丸每兩作十丸臨卧嚼一丸分五七次嚼之上清肺氣下

強骨髓

二丹丸

治健忘養神定志和血內安心神外華腠理

丹參

一兩半

丹砂

五錢為衣

遠志

半兩去心

茯神

一兩

人參

五錢

菖蒲

五錢

熟地黃

一兩半

天門冬

一兩半志

麥門冬

一兩去心

甘草

一兩

右為細末煉蜜為丸如桐子大每服五十丸至一百

丸空心食前常服安神定志一藥清肺一藥安神故

清中清者歸肺以助天真清中濁者堅強骨髓血中

之清榮養於神血中之濁華榮腠理如素有痰久病  
中風津液湧溢在胸中氣所不利用獨聖散吐之後  
用利氣瀉火之劑本方在後

瀉青丸 治中風自汗昏冒發熱不惡寒不能安卧此  
是風熱煩燥

當歸

龍膽

川芎

梔子

羌活

大黃

防風

各等分

右為細末煉蜜為丸如彈子大每服一丸竹葉湯化下

天麻丸 係新方中

天麻

六兩酒浸三日曝乾秤

牛膝

六兩同上浸

杜仲

七兩剉炒去綠

草解

六兩別洗為細末秤

玄參

六兩

當歸

十兩

生地黃

十六兩

羌活

十兩

附子

一兩

右為細末煉蜜為丸如桐子大常服五七十丸病大至百丸空心食前溫酒或白湯下平明服藥至日高饑則止服藥大忌壅塞失於通利故服藥半月稍覺壅微以七宣丸輕疎之使藥再為用也牛膝草解治

筋骨杜仲使筋骨相著天麻羌活和風之勝藥當歸地黃養血能和榮衛玄參主用附子佐之行經也

獨聖散 治諸風隔實諸癰痰涎津液湧溢雜病亦然

瓜蒂

一兩

右剉如麻豆大炒令黃色為細末每服量虛實久新或三錢藥末茶一錢酸蘗汁一盞調下若用吐法天氣清明陰晦無用如病卒暴者不拘於此法吐時辰午已前故內經曰平旦至日中天之陽陽中之陽也

論四時之氣仲景曰大法春宜吐是天氣在上人氣亦在上一日之氣卯辰之寅候也故宜早不宜夜也先令病人隔夜不食服藥不吐再用熱薑水投之如吐風癇病者加全蝎半錢微炒如有蟲者加狗油五七點雄黃末一錢甚者加芫花末半錢立吐其蟲如濕腫滿者加赤小豆末一錢故此不可常用大要辨其虛實實則瓜蒂散虛則梔子豉湯滿加厚朴不可一槩用之吐罷可服降火利氣安神定志之劑



治風癰病不能愈者從厚朴凡宜春秋加添外又於每一

料中加

人參

菖蒲

茯神

去木各  
一兩半

右依厚朴丸春秋加添法和劑服餌厚朴丸方在吐

論中

防風通聖散

防風

川芎

當歸

芍藥

大黃

芒硝

連翹

薄荷

麻黃

不去節  
各半兩

石膏

桔梗

黃芩

各一兩

白朮

山梔子

荊芥穗

各二錢半

滑石

三兩

甘草

二兩

右為麤末每服一兩生薑同煎溫服日再服勞汗當  
風汗出為鼓鬱乃座勞汗出於玄府脂液所凝去芒  
硝倍加芍藥當歸發散玄府之風當調其榮衛俗云  
風刺或生癰疹或赤或白倍加麻黃鹽豉葱白出其  
汗麻黃去節亦去芒硝鹹走血而內凝故不能發汗

罷依前方中加四物湯黃連鮮毒三藥合而飲之日  
二服故內經曰以苦發之謂熱在肌表連內也小便  
淋澀去麻黃加滑石連翹煎藥湯調木香末二錢七  
麻黃主表不主於裏故去之腰脇痛走疰疼痛者加  
硝石當歸甘草一服各二錢調車前子末海金砂末  
各一錢內經曰腰者腎之府破傷風者如在表則辛  
以散之在裏則苦以下之兼散之汗下後通利血氣  
祛逐風邪每一兩內加荊芥穗大黃各二錢調全蝎

末一錢羌活末一錢諸風潮搐小兒急慢驚風大便  
結秘邪熱暴甚腸胃乾燥寢汗咬牙上竈睡語筋轉  
驚悸肌肉蠕動每一兩加大黃二錢梔子二錢調茯  
苓末二錢如肌肉蠕動者調羌活末一錢故經曰肌  
肉蠕動命曰微風風傷於肺欬嗽喘急每一兩加半  
夏枯梗紫苑各二錢如打撲傷損支節疼痛腹中惡  
血不下每一兩加當歸大黃各三錢半調沒藥乳香  
末各二錢解利四時傷寒內外所傷每一兩內加益

元散一兩葱白十莖鹽豉一合生薑半兩水一椀同煎至五七沸或煎一小椀溫冷服一半以筋投之即吐罷後服一半稍熱服汗出立解如飲酒中風身熱頭痛如破者加黃連鬚二錢葱白十莖依法立愈慎勿用桂枝麻黃湯解之頭旋腦熱鼻塞濁涕時下每一兩加薄荷黃連各二錢半內經曰膽移熱於腦則辛頻鼻淵鼻淵者濁涕下不已也王注曰膽液下澄則為濁涕下不已如水泉故曰鼻淵也此為足太陽

脉與陽明脉俱盛也如氣逆者調木香末一錢

癰風論第十

內經曰癰風者有榮氣熱附其氣不清故使鼻柱壞而色敗皮膚瘍潰故先風寒客於脉而不去名曰癰風又曰脉風成為癰俗云癰病也故治法云大風骨節重鬚眉墮名曰大風刺肌內病故汗出百日王注曰泄衛氣之怫熱刺骨髓汗出百日泄榮氣之怫熱凡二百日鬚眉生而止鍼怫熱屏退陰氣內復故多汗出鬚眉生也

先樺皮散從少至多服五七日後灸承漿穴七壯灸瘡  
輕再灸瘡愈再灸後服二聖散泄熱祛血之風邪戒房  
室三年鍼灸藥止述類象形此治肺風之法也然非止  
肺藏有之俗云鼻屬肺而病發於肺端而言之不然如  
此者既鼻準腫赤脹但為瘡之類乃謂血隨氣化既氣  
不施化則血聚矣然血既聚使肉腐爛而生蟲也謂厥  
陰主生五蟲厥陰為風木故木主生五蟲蓋三焦相火  
熱甚而制金金衰故木來尅侮經曰侮勝也宣瀉火熱

利氣之劑虫自不生也法云流水不腐戶樞不蠹此之類也故此疾血熱明矣當以藥緩踈泄之煎局方內外升麻湯下錢氏內瀉青丸餘各隨經言之故病風者陽氣先受上也

樺皮散 治肺藏風毒遍身瘡疥及癰疹瘙痒搔之成瘡又治面風刺及婦人粉刺

樺皮

四兩  
燒灰

荊芥穗

二兩

甘草

半兩  
炙

杏仁

二兩去皮尖用水一椀於銀器內熬去水一半已未放令乾

枳殼

四兩去穰用炭火燒欲灰於溫紙上令冷



右件除杏仁外餘藥為末將杏仁別研令細次用諸藥令勻磁合內放之每服三錢食後溫酒調下

二聖散 治大風癘疾

大黃

半兩

皂角刺

三錢  
燒灰

右將皂角刺一二斤燒灰研細煎大黃半兩湯調下二錢早服樺皮散中煎升麻湯下瀉青丸晚服二聖散此數等之藥皆為緩疎泄血中之風熱也

七聖丸

局方中

七宣丸

局方中

皆治風壅邪熱潤利大腸中風

風癰風癘大便秘澁皆可服之此方局方中治法曰雖  
呵子味苦澁而能止藏腑此利藥中用呵子令大黃枳  
實緩緩而推陳泄去邪氣若年老風秘澁者乃津液內  
亡也故不可用峻劑攻之內經曰年四十而氣自半也  
起居衰矣年五十體重耳目不聰明矣年六十陰痿氣  
大衰九竅不利下虛上實涕淚出矣故曰知之則強不  
知則老舉世皆言年老之人無熱俱虛豈不明年四十  
而陰氣自半故陰虛陽盛明矣是以陰虛其下陽甚其

上故上實下虛此理明矣

破傷風論第十二

論曰夫風者百病之始也清淨則腠理閉拒雖有大風  
苛毒而弗能為害也故破傷風者通於表裏分別陰陽  
同傷寒證治閤閤徃徃有不知者只知有發表者不知  
有攻裏者和解者此汗下和三法也亦同傷寒證有在  
表者有在裏者有半在表半在裏者在裏宜下在表宜  
發汗在表裏之間宜和解然汗下亦不可過其法也又

不可妄意處治各通其藏脉免汗泄之非宜也故破傷風者從外至內甚於內者則病也因此卒暴傷損風襲之間傳播經絡至使寒熱更作身體反強口噤不開甚者邪氣入藏則分汗下之治諸瘡不差榮衛虛肌肉不生瘡眼不合者風邪亦能外入於瘡為破傷風之候故諸瘡不差時舉世皆言著灸為上是謂熟瘡而不知火熱客毒逐經諸變不可勝數微則發熱甚則生風而搐或角弓反張口噤目斜皆因瘡鬱結于榮衛不得宣通

而生亦有破傷不灸而病此者瘡著白痂瘡口閉塞氣  
難通泄故陽熱易為鬱結而熱甚則生風也故表脉浮  
而無力太陽也脉長而有力者陽明也脉浮而弦小者  
少陽也太陽宜汗陽明宜下少陽宜和解若明此三法  
而治不中病者未之有也

羌活防風湯 治破傷風邪初傳在表

羌活

防風

川芎

藁本

當歸

芍藥

甘草

各一兩

地榆

華細辛

各二兩

右咬咀每服五錢水一盞半同煎至七分去滓熱服不拘時候量緊慢加減用之熱則加大黃二兩大便秘則加大黃一兩緩緩令過

白朮防風湯 若服煎藥之過有自汗者宜服此藥

白朮

一兩

防風

二兩

黃耆

一兩

右咬咀每服五七錢水一盞半煎至一盞去滓溫服不拘時候藏府和而有自汗可用此藥破傷風藏府

秘小便赤自汗不止者因用熱藥汗出不休故知無寒也宜速下之先用芎黃湯三二服後用大芎黃湯下之

芎黃湯

川芎

一兩

黃芩

六錢

甘草

二錢

右咬咀每服五七錢水一盞半同煎至七分去滓溫服不拘時候三服即止再用下藥

大芎黃湯

川芎一錢

羌活

黃芩

大黃各一兩

右咬咀依前煎服宜和為度

發表雄黃散

雄黃一錢

防風二錢

草烏一錢

右件為細末每服一字溫酒調下裏和至愈可服裏不和不可服

蜈蚣散

蜈蚣一對

鰮五錢

左蟠龍五錢炒煙盡為度野鴿真是也



右件為細末每服一錢清酒調下治法依前用裏和  
至愈可服但有裏證不可服次當下之用前蜈蚣散  
四錢已豆霜半錢燒餅為丸如棗豆大每服一丸漸  
加六七丸清酒調蜈蚣散少許送下宣利為度內外  
風去可常服羌活湯緩緩而治不拘時候服之羌活  
湯者治半在表半在裏也

羌活湯

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

已上各一兩

薄荷

半兩

吳白芷

半兩

右咬咀每服五錢水一盞半入生薑五片同煎至一盞去滓稍熱服不拘時候日進二服

防風湯

治破傷風同傷寒表證未傳入裏宜急服此

藥

防風

羌活

獨活

川芎

各等分

右咬咀每服五錢水一盞半煎至七分去滓溫服三  
二服後宜調蜈蚣散大效

蜈蚣散

蜈蚣一對

鰮三錢

右為細末用防風湯調下如前藥解表不已覺轉入  
裏當服左龍丸漸漸看大便硬軟加已豆霜服之

左龍丸

左蟠龍

五錢炒

白僵蠶

五錢炒

鰮

半兩炒

雄黃

一錢

右同為細末燒餅為丸如桐子大每服十五丸溫酒下如裏證不已當於左龍丸末一半內入巴豆霜半錢燒餅為丸如桐子大每服一丸同左龍丸一處合服每服藥中加一丸如此漸加服至利為度若利後更服後藥若搐症不已亦宜服後藥羌活湯也

羌活湯

羌活

獨活

防風

地榆

各一兩

右咬咀每服五錢水一盞半煎至一盞去滓溫服如

有熱加黃芩有涎加半夏若病日久氣血漸虛邪氣入胃全養血為度

養血當歸地黃散

當歸

地黃

芍藥

川芎

藜蘆

防風

白芷

各一兩

細辛

五錢

右㕮咀依前煎服

雄黃散 治表藥

天南星

三錢

半夏

五錢

天麻

五錢

雄黃

二錢半

右為細末每服一錢溫酒調下如有涎於此藥中大黃為下藥

地榆防風散 治破傷風中風半在表半在裏頭微汗身無汗不可發汗宜表裏治之

地榆

防風

地丁香

馬齒莧

各等分

右件為細末每服三錢溫米飲調下

白朮湯 治破傷風大汗不止筋攣搐搦

白朮

葛根

各一兩

升麻

黃芩

各半兩

芍藥

二兩

甘草

二錢半

右咬咀每服一兩水一盞半煎至一盞去滓溫服不

拘時候

江鰮丸 治破傷風驚而發搐藏府秘澁知病在裏可

用江鰮丸下之

江鰮

劉炒半兩

野鴿糞

半兩炒

雄黃

一錢

白殭蠶

半兩

蜈蚣

一對

天麻

一兩

右件為細末又將藥末作三分用二分燒飴為丸如

桐子大硃砂為衣後將一分入巴豆霜一錢同和亦以燒餅為丸如桐子大不用硃砂衣每服硃砂為衣丸二十丸入巴豆霜一丸第二服二丸加至利為度再服硃砂為衣藥病愈止

沒藥散 刀箭藥止血住痛

定粉

一兩

風化灰

一兩

枯白礬

三錢  
另研

乳香

半錢  
另研

沒藥

一字  
另研

右件各研為細末同和勻再研摻之



解利傷寒論第十三

論曰傷寒之法先言表裏及有緩急三陽表當急裏當緩三陰表當緩裏當急又曰脉浮當汗脉沉當下脉浮汗急而下緩謂三陽表也脉沉下急而汗緩謂三陰裏也麻黃湯謂之急麻黃附子細辛湯謂之緩內經云有清形以為汗為汗之緩裏之表也又云在皮者汗而發之為汗之急表之表也急汗者太陽緩汗者少陰是藏府之輸應也假令麻黃附子細辛湯是少陰證始得發

熱脈沉裏和無汗故漬形以為汗假令麻黃湯是太陽證頭項痛腰脊強脈浮無汗裏和是也在皮者汗而發之也經曰治主以緩治客以急此之謂也

麻黃湯

麻黃

去節  
五錢

桂枝

三錢

甘草

三錢  
炙

杏仁

去皮尖炒  
三十箇

右咬咀都作一服水煎去滓溫服

假令得肝脈其外證善潔面青善怒其三部脈俱弦而

浮惡寒裏和

謂清便  
自調也

麻黃湯內加羌活防風各三錢謂肝

主風是膽經受病大便秘或泄下赤水無數皆裏不和

也 假令得心脉其外證面赤口乾善笑其尺寸脉俱

浮而洪惡寒裏和

謂清便自調也

麻黃湯內加黃芩石膏各三錢

謂主心熱是小腸受病也 假令得脾脉其外證面黃

善噫善思善味尺寸脉俱浮而緩裏和惡寒麻黃湯內

加白朮防己各五錢謂脾主濕是胃經受病也 假令

得肺脉其外證面白善噫悲愁不樂欲哭其尺寸脉俱浮

而澁裏和惡寒麻黃湯內加桂枝生薑各三錢謂肺主

燥是大腸受病也

假令得腎脉其外證面黑善恐顯

其尺寸脉俱浮而裏和惡寒麻黃湯加附子生薑謂腎

主寒是膀胱受病也

已上各五證皆表之表謂在皮者急汗而發之也皆腑

受病表之裏者下之當緩謂隨藏表證外顯尺寸脉俱

浮而復有裏證謂發熱飲水便利赤澁或泄下赤水按

之內實或痛麻黃湯去麻黃杏仁與隨藏元加藥同煎

作五服每下一證初一服加大黃半錢邪盡則止未盡

第二服加大黃一錢邪未盡第三服加大黃一錢半如邪未盡又加之邪盡則止此謂先緩而後急是表之裏證下之當緩也

麻黃附子細辛湯

麻黃

半兩去根節

細辛

半兩去苗土

附子

一錢一分半炮裂去皮臍

右咬咀都作一服水煎去滓溫服

假令得肝脉其內證滿閉淋洩便難轉筋其尺寸脉俱沉而弦裏和惡寒肝經受病麻黃附子細辛內加羌活

防風各三錢 假令得心脉其內證煩心心痛掌中熱而噦其尺寸脉俱沉裏和惡寒心經受病加黃芩石膏各三錢 假令得脾脉其內證腹脹滿食不消怠墮嗜卧其尺寸脉俱沉裏和惡寒脾經受病加白朮防己各三錢 假令得肺脉其內證喘咳洒淅寒熱其尺寸脉俱沉裏和惡寒肺經受病加生薑桂各三錢 假令得腎脉其內證泄如下重足脛寒而逆其尺寸脉俱沉裏和惡寒腎經受病更加附子生薑各三錢

已上五證裏之表也宜清形以為汗皆藏受病也裏之裏者下之當急謂隨藏內證以顯尺寸脉俱沉復有裏證者謂大小便秘澀或泄下赤水或瀉無數不能飲食不惡風寒發熱引飲其脉俱沉或按之內實而痛此謂裏實宜速下之麻黃附子細辛內麻黃與隨藏元加藥內分作三服每下一證初一服加大黃三錢邪盡則止如邪未盡再一服加大黃二錢又未盡第三服加大黃一錢此先急而後緩謂裏之裏也當速下之也

通解利傷寒不問何經之受皆能混然解之謂不犯各經之受病雖不解盡亦無壞證

羌活湯

羌活

二兩

防風

一兩

川芎

一兩

黃芩

一兩

細辛

二錢半

甘草

一兩炒

黑地黃

一兩

薄荷

半兩

白朮

二兩如用蒼朮加一兩

右咬咀每服五七錢水二盞煎至一盞無時溫服清如覺發熱引飲加黃芩甘草各一兩更隨證加頭痛



惡風於白朮湯一兩內加羌活散三錢都作一服

羌活散

羌活

一兩半

川芎

七錢

細辛根

二兩半

如身熱依前加石膏湯四錢

石膏湯

石膏

二兩

知母

半兩

白芷

七錢

如腹中痛者加芍藥散三錢

芍藥散

芍藥

二兩

桂

五錢

如往來寒熱而嘔加柴胡散二錢

柴胡散

柴胡根

一兩

半夏

五錢洗

加生薑煎如心下痞加枳實一錢如有裏證加大黃  
初一服一錢次二錢又三錢邪盡則止

論曰有汗不得服麻黃無汗不得服桂枝然春夏汗孔  
疎雖有汗不當用桂枝宜用黃耆湯和解秋冬汗孔閉

雖無汗不當用麻黃宜用川芎湯和解春夏有汗脉乃微而弱惡風惡寒者乃太陽證秋冬之脉也亦宜黃耆湯無汗亦宜川芎湯秋冬有汗脉盛而浮發熱身熱者乃陽明證春夏之脉也亦宜黃耆湯無汗亦宜川芎湯大抵有汗者皆可用黃耆湯無汗者亦可用川芎湯黃耆湯有汗則止也

黃耆

白朮

防風

各等分

右咬咀每服五七錢至十餘錢或半兩一兩水煎溫

服清汗多惡風甚者加桂枝

川芎湯 無汗則發也

川芎

白朮

羌活

各等分

右咬咀同黃耆湯稍熱服惡寒甚則及脉大浮半加麻黃法云五藏之脉寸關尺也今止言尺寸陰陽也如陽緩而陰急表和而裏病陰緩而陽急裏和而表病也

若傷寒食少發渴止可和胃止渴不可太涼藥止之然

恐涼藥止之損着胃氣必不能食也

和胃白朮湯

白朮

茯苓

起卧不能謂之濕身重是也小柴胡湯黃芩芍藥湯起  
卧不安眠睡不穩謂之煩梔豉湯竹葉石膏湯解利四  
時傷寒混解六經不犯禁忌

大白朮湯

白朮

二兩

防風

一兩

羌活

一兩

川芎

一兩

黃芩

錢五

細辛

錢三

白芷

半兩

石膏

兩二

知母

錢七

甘草

五錢或  
一兩

枳實

去穢  
五錢

右為麤末每服半兩水一盞半煎至一盞大溫服清

未解更一服兩服藥滓又作一服春倍防風羌活夏

倍黃芩知母季夏雨淫倍白朮白芷秋加桂五錢冬

桂八錢或一兩立夏之後至立秋處暑之間傷寒者

身多微涼微有自汗四肢沉重謂之濕溫又謂之濕

淫宜蒼朮石膏湯

蒼朮石膏湯

蒼朮

細剉  
半兩

石膏末

三錢

知母

剉一  
錢半

甘草

剉一  
錢

右同和勻都作一服水兩盞煎至一盞溫服清謂內  
有濕熱也多不欲飲水如身熱脉洪無汗多渴者是  
熱在上焦積於胸中宜桔梗散

桔梗散

薄荷

一錢

黃芩

一錢

甘草

一錢

桔梗

兩半

連翹

二錢

山梔子仁

一錢

右剉每服五錢或七錢秤半兩水煎加竹葉如大便  
秘結加大黃半錢

熱論第十四

論曰有表而熱者謂之表熱也無表而熱者謂之裏熱  
也有暴發而為熱者乃久不宣通而致也有服溫藥過  
劑而為熱者有惡寒戰慄而熱者蓋諸熱之屬者心火  
之象也王注曰百端之起皆自心生是以上善若水下  
愚若火治法曰小熱之氣涼以和之大熱之氣寒以取



之甚熱之氣則汗發之發之不盡則逆治之制之不盡  
求其屬以衰之故曰苦者以治五藏五藏屬陰而居於  
內辛者以治六府六府屬陽而在外故內者下之外者  
發之又宜養血益陰其熱自愈此所謂不治而治也故  
不治謂之常治治而不治謂之暴治經所謂諸寒而熱  
者取之陰諸熱而寒者取之陽此所謂求其屬也王注  
曰益火之源以消陰翳用水之主以制陽光此之謂也  
病有暴熱者病在心肺有積熱者病在腎肝暴熱者

宜局方中雄黃解毒丸積熱者局方中妙香丸暴熱  
上喘者病在心肺謂之高喘木香金鈴子散上焦熱  
而煩者牛黃散藏府秘者大黃牽牛散上焦熱無它  
證者桔梗湯有虛熱不能食而熱者脾虛也宜以厚  
朴白朮陳皮之類治之有實熱能食而熱者胃實也  
宜以梔子黃芩湯或三黃丸之類治之蔚金柴胡之  
類亦是也有病久憔悴發熱盜汗謂五藏齊損此熱  
勞骨蒸病也瘦弱虛煩腸癖下血皆蒸勞也宜養血

益陰熱自能退當歸生地黃或錢氏地黃丸是也

木香金鈴子散 治暴熱心肺上喘不已

大黃

兩半

金鈴子

錢三

木香

錢三

輕粉

許少

朴硝

錢二

右為細末柳白皮湯調下三錢或四錢食後服以利  
為度喘止即止

牛黃散 治上焦熱而煩不能睡卧

梔子

兩半

大黃

兩半

蔚金

兩半

甘草

半錢

右為細末每服五錢水煎溫服食後微利則已

大黃牽牛散 治相火之氣遊走藏府大便秘結

大黃

一兩

牽牛

頭末五錢

右為細末每服三錢有厥冷用酒調三錢無厥冷而手足煩熱者蜜湯調下食後微利為度此謂不時而熱者濕熱也

地黃丸 治久新憔悴寢汗發熱五藏齊損瘦弱虛煩

腸癖下血骨蒸痿弱無力不能運動

熟地黃一兩

山茱萸四錢

乾山藥四錢

牡丹皮

白茯苓

澤瀉各三錢

右為細末煉蜜為丸桐子大每服五十丸空心溫酒

送下

防風當歸飲子

如煩渴皮膚索澤食後煎服防風飲

子空心服地黃丸

柴胡

人參

黃芩

甘草各一兩

大黃

當歸

芍藥各半兩

滑石三兩

右為麤末每服五錢水一盞半生薑三片同煎至七分去滓溫服如痰實欬嗽加半夏如大便黃米穀完出驚悸溺血淋悶欬血衄血自汗頭痛積熱肺痿後服大金花丸

大金花丸

黃連

黃栢

黃芩

山梔子

各一兩

右為細末滴水為丸如小豆大每服一百丸溫水下日二三服或大便實加大黃自利不用大黃如中外

有熱者此藥作散剉服名解毒湯或腹滿嘔吐欲作利者每服半兩解毒湯中加半夏茯苓厚朴各三錢生薑三片如白膿下痢後重者加大黃三錢

涼膈散 加減附于后

連翹

山梔子

大黃

薄荷葉

各半兩

黃芩

半兩

甘草

一兩半

朴硝

二錢半

右件為麤末每服半兩水一盞半煎至一盞去滓入蜜一匙微煎溫服食後咽嗑不利腫痛并涎嗽者

加桔梗一兩荊芥穗半兩 欬而嘔者加半夏二錢  
半生薑煎 鼻衄嘔血者加當歸芍藥生地黃各半

兩 一料內

如淋瀝者加滑石四兩茯苓一兩或瀉而不通臍下收  
如覆碗痛悶不可忍者乃腸胃乾涸臆中氣不下故經  
所謂膀胱者州都之官津液藏焉氣化則能出矣故  
臆中者臣使之官名三焦相火下合右腎為氣海也

王注曰膀胱津液之府胞內居之少腹處間毛內藏



胞器若得氣海之氣施化則溲便注下氣海氣之不  
及則閼隱不通故不得便利也先用木香沉香各三  
錢酒調下或八政散甚則宜上湧之令氣通達小便  
自通經所謂病在上下取之 王注曰熱攻於上不  
利於下氣盛於上則溫辛散之苦以利之

當歸承氣湯

當歸

大黃

各一兩

甘草

半兩

芒硝

九錢

右剉如麻豆大每服二兩水一大椀入生薑五片棗

十枚同煎至半椀去滓熱服若陽狂奔走罵詈不避  
親疎此陽有餘陰不足大黃芒硝去胃中實當歸補  
血益陰甘草緩中加生薑棗胃屬土此引至於胃中  
也經所謂微者逆之甚者從之此之謂也以大利為  
度微緩以瓜蒂散加防風藜蘆吐其病立愈後調法  
洗心散涼膈散解毒湯等藥調治之

治熱入血室發狂不認人牛黃膏

牛黃

二錢半

硃砂

三錢

腦子

一錢

蔚金

三錢

甘草一錢

牡丹皮三錢

右為細末煉蜜為丸如皂子大新水化下

治暴熱者局方中雄黃解毒丸 治久熱者局方中妙

香丸 治虛勞骨蒸煩熱下血者錢氏地黃丸 治虛

熱不能食者脾虛也宜以厚朴白朮陳皮之類治之治

實熱能食者胃實也宜以梔子黃芩或三黃丸之類治

之蔚金柴胡亦可 治表熱惡寒而渴白虎湯也 膚

如火燎而熱以手取之不甚熱為肺熱也目白睛赤煩

躁或引飲獨黃芩一味主之水煎 兩脇下肌熱脉浮  
弦者柴胡飲子主之兩脇肋熱或一身盡熱者或日晡  
肌熱者皆為血熱也四順飲子主之夜發熱主行陰乃  
血熱也四順桃仁承氣選用當視其腹痛血刺痛與有  
表入裏腹中轉失氣燥結之異晝則明了夜則譫語四  
順飲子證與桃仁承氣相似不可不辨也發熱雖無脇  
熱亦為柴胡證晝則行陽二十五度氣藥也大抵則柴  
胡夜則行陰二十五度血藥也大抵四順飲子

內傷論第十五

論曰人之生也由五穀之精化五味之備故能生形經曰味歸形若傷於味亦能損形令飲食反過其節腸胃不能勝氣不及化故傷焉經曰壯火食氣氣食少火壯火散氣少火生氣痺論曰飲食自倍腸胃乃傷或失四時之調養故能為人之病也經曰氣口緊而傷於食心胸滿而口無味與氣口同氣口者乃脾之外候故脾胃傷則氣口緊盛夫傷者有多少有輕重如氣口一盛脉

得六至則傷於厥陰乃傷之輕也檳榔丸主之氣口二  
盛脉得七至則傷於少陰乃傷之重也煮黃丸厚朴丸  
主之氣口三盛脉得八至則傷於太陰臟塞悶亂甚則  
心胃大痛兀兀欲吐得吐則已俗呼食迷國是也經曰  
上部有脉下部無脉其人當吐不吐則死宜吐之以瓜  
蒂散如不能則無治也經曰高者因而越之下者引而  
竭之是也

檳榔丸

檳榔

二錢半

陳皮

去白一兩

木香

二錢半

牽牛

頭末半兩

右為細末醋糊為丸如桐子大每服十五丸至二十丸米飲下生薑湯亦可

煮黃凡

雄黃

一兩另研

巴豆

五錢生用去皮研爛入雄黃末

右二味再研入白麵二兩同和再研勻滴水為丸如桐子大每服時先煎漿水冷沸下藥二十四丸煮三十沸撈入冷漿水中沉水冷一時下一丸二日二十四時也加至

微利為度用浸藥水送下此藥脇下痠癢痛如神

瓜蒂散

瓜蒂

三錢

赤小豆

三錢

右為細末溫水調一錢以吐為度如傷之太重備急丸獨行丸皆急藥也

金露丸 治天行時疾內傷飲食心下痞悶

大黃

二兩

枳實

炒五錢

牽牛

頭末二兩

桔梗

二兩

右同為細末燒餅為丸如桐子大每服三五十九食



後溫水下如常服十丸二十丸甚妙

治氣不下降食難消化常服進食逐飲

# 枳實丸

枳實

麩炒  
五錢

白朮

一兩  
剉

右為細末燒餅為丸如桐子大每服五十丸水飲下  
治飲食不化心腹膨悶檳榔丸主之如甚則脇肋虛  
脹煮黃丸主之治氣不下降飲食難消金露丸主之

## 諸瘧論第十六

經曰夏傷於暑秋必病瘧蓋傷之淺者近而暴發傷之重者遠而瘧瘧瘵者久瘧也是知夏傷於暑溫熱閉藏而不能發泄於外邪氣內行至秋而發為瘧也初不知何經受之隨其動而取之有中三陽者有中三陰者大抵經中邪氣其證各殊同傷寒論之也故內經曰五臟皆有瘧其治各別在太陽經者謂之風瘧治多汗之在陽明經者謂之熱瘧治多下之在少陽經者謂之風熱瘧治多和之此三陽受病皆謂之暴瘧發在夏至後處暑

前此乃傷之淺者近而暴也在陰經則不分三經總謂之溫瘧當從太陰經論之其病發在處暑後冬至前此乃傷之重者遠而為痾痾者老也故謂之久瘧氣居西方宜毒藥療之瘧之為病因內積暑熱之氣不能宣泄于外而為瘧也當盛夏之時能食寒涼之物而助陰氣者後使有暑熱之氣微者自消矣更時復以藥踈利藏府使邪氣自下內經曰春食涼夏食寒秋食溫冬食熱是謂春夏養陽秋冬養陰人能於飲食起居之間順四

時之氣而行之邪氣何由得生也

治瘧病處暑前頭痛項強脉浮惡風有汗桂枝羌活湯

桂枝

羌活

防風

甘草

炙各半兩

右為麤末每服半兩水一盞半煎至一盞溫服清迎發而服之如吐者加半夏麴等分

治瘧病頭痛項強脉浮惡風無汗者麻黃羌活湯

麻黃

去節

羌活

防風

甘草

炙各半兩

同前服如吐者加半夏麴等分

治法瘡如前證而夜發者麻黃桂枝湯主之

麻黃

一兩  
去節

甘草

炙三錢

桃仁

三十箇  
去皮尖

黃芩

五錢

桂

二錢

右五味同為細末依前服桃仁味苦甘辛肝者血之  
海血聚則肝氣燥經所謂肝苦急急食甘以緩之故  
桃仁散血緩肝謂邪氣深遠而入血故夜發乃陰經  
有邪此湯發散血中風寒之劑

治瘡病身熱目痛熱多寒少脉長睡卧不安先以大柴

胡湯下之微利為度如下過外微邪未盡者宜服白芷湯盡其邪

白芷

一兩

知母

一兩七錢

石膏

四兩

右為麤末同前服

治瘧無他證隔日發先寒後熱寒少熱多宜桂枝石膏湯

桂枝

五錢

石膏

一兩半

知母

一兩半

黃芩

一兩

右為麤末分作三服每服水一盞同前煎服間日者

邪氣所舍深也

治瘧寒熱大作不論先後此太陽陽明合病也謂之大  
爭寒作則必戰動經曰熱勝而動也發熱則必汗泄經  
曰汗出不愈知為熱也陽盛陰虛之證當內實外虛不  
治必傳入陰經也桂枝芍藥湯主之

桂

錢三

黃耆

兩二

知母

兩一

石膏

兩一

芍藥

兩一

右為麤末每服五七錢至半兩水煎如前藥服之寒  
熱轉大者知太陽陽明少陽三陽合病也宜用桂枝

黃芩湯和之

柴胡

二錢

黃芩

四錢

人參

四錢

半夏

四錢

甘草

四錢

石膏

五錢

知母

五錢

桂

二錢

右為麤末依前服之服藥已如外邪已罷內邪未已再詮下藥從卯至午時發者宜以大柴胡湯下之從午至酉時發者知其邪氣在血也宜以桃仁承氣湯主之

前項下藥微利為便以小柴胡湯徹其微邪之氣立



秋之後及處暑前發瘧漸瘦不能食者謂之瘵瘵此邪氣深遠而中陰經為久瘵也

治久瘵不能飲食胃中鬱鬱如吐欲吐不能吐者宜吐則已當以藜蘆雄黃散吐之

藜蘆散

大藜蘆末

半錢

溫薑水調下以吐為度

雄黃散

雄黃

瓜蒂

赤小豆

各一錢

右為細末每服半錢溫水調下以吐為度

治秋深久瘧胃中無物又無痰癖腹高而食少俗謂瘧氣入腹宜蒼朮湯主之

蒼朮

四兩

草烏頭

一錢

杏仁

三十箇

右為麤末都作一服水三升煎至一半均作三服一日服盡迎發而服局方中七宣丸治瘧之聖藥也

局方中神効飲子乃瘧疾聖藥也又名交結飲子

吐論第十七

論曰吐有三氣積寒也皆從三焦論之上焦在胃口上通於天氣主內而不出中焦在中脘上通天氣下通地氣主腐熟水穀下焦在臍下下通地氣主出而不納是故上焦吐者皆從於氣氣者天之陽也其脉浮而洪其證食已暴吐渴欲飲水大便燥結氣上衝而胃發痛其治當降氣和中中焦吐者皆從於積有陰有陽食與氣相假為積而痛其脉浮而匿其證或先痛而後吐或先吐而後痛治法當以毒藥去其積檳榔木香行其氣下

焦吐者皆從於寒地道也其脉沉而遲其證朝食暮吐  
暮食朝吐小便清利大便秘而不通治法當以毒藥通  
其閉塞溫其寒氣大便漸通復以中焦藥和之不令大  
便秘結而自愈也

治上焦氣熱上衝食已暴吐脉浮而洪宜先和中桔梗  
湯

桔梗

一兩  
半

半夏麴

二兩

陳皮

去白  
一兩

枳實

麩炒  
一兩

白茯苓

去皮  
一兩

白朮

一兩  
半

厚朴

一兩  
薑製炒香

右咬咀每服一兩水一盞煎至七分取清溫調木香散二錢隔夜空腹食前服之三服之後氣漸下吐漸止然後去木香散加芍藥二兩黃耆一兩半每料中叩筭加上件分兩依前服之病愈則已如大便燥結食不盡下以大承氣湯去硝微下之少利為度再服前藥補之如大便復結又依前再微下

木香散

木香

檳榔

各等分

右為細末前藥調服

治暴吐者上焦氣熱所衝也經曰諸嘔吐酸暴主下迫  
皆屬於火脉洪而浮者荊黃湯主之

荊芥穗

一兩

人參

五錢

甘草

二錢半

大黃

三錢

右為麤末都作一服水二盞煎至一盞去滓調檳榔  
散二錢空心服

檳榔散

檳榔

二錢

木香

一錢半

輕粉

少許

右為細末用前藥調服如為丸亦可用水浸蒸餅為  
丸如小豆大每服二十丸食後

治上焦吐頭發痛有汗脉弦青鎮丸主之

柴胡

二兩  
去苗

黃芩

七錢  
半

甘草

半兩

半夏

湯洗  
半兩

青黛

二錢  
半

人參

半錢

右為細末薑汁浸蒸餅為丸如桐子大每服五十丸  
生薑湯下食後

白朮湯

治胃中虛損及痰而吐者

半夏麴

兩半

白朮

錢一

檳榔

二錢半

木香

錢一

甘草

錢一

茯苓

錢二

右六味同為細末每服二錢煎生薑湯調下食前吐而食脉弦者肝盛於脾而吐乃由脾胃之虛宜治風安脾之藥

金花丸

半夏

湯洗一兩

檳榔

錢二

雄黃

一錢半

右為細末薑汁浸蒸餅為丸如桐子大小兒另丸生



薑湯下從少至多漸次服之以吐為度羈絆於脾故  
飲食自下

治中焦吐食由食積與寒氣相假故吐而痛宜服紫沉丸

半夏麴

錢三

烏梅

去核  
一錢

代赭石

錢三

杏仁

去皮尖  
一錢

縮砂仁

錢三

丁香

錢二

沉香

錢一

檳榔

錢二

木香

錢一

陳皮

錢五

白豆蔻

半錢

白朮

錢一

巴豆霜

半錢  
另研

右為細末入巴豆霜令勻醋糊為丸如黍米大每服

五十丸食後生薑湯下吐愈則止小兒另丸

治小兒食積吐食亦大妙

一法治齟胃吐食用橘皮壹箇浸少時去白裹生薑一塊麵裹紙封燒令熟去麵外生薑為三番並橘皮下紫沉凡一百丸一日二服得大便通至不吐則止此主寒積氣皆可治嘔吐腹中痛者是無積也胃強而乾嘔有聲無物脾強而吐食持實繫強是以腹中痛當以木香白朮散和之

木香

錢一

白朮

兩半

半夏麴

兩一

檳榔

錢二

茯苓

兩半

甘草

錢四

右為細末濃煎芍藥生薑湯調下一二錢有積而痛  
手按之愈痛無積者按之不痛

治下焦吐食朝食暮吐暮食朝吐大便不通宜附子丸

附子

炮五錢

巴豆霜

錢一

砒

半錢研細

右同研極細鎔黃蠟為丸如桐子大每服一二丸冷水送下利則為度利後更服紫沉丸常服不令再閉

厚朴丸

主反胃吐逆飲食噎塞氣上衝心腹中諸疾

加法在後

厚朴

二兩半

黃連

二兩半

紫苑

去土苗

吳茱萸

湯洗七次

菖蒲

柴胡

去苗

桔梗

皂角

去皮弦子炙

茯苓

去皮

官桂

刮

乾薑

炮已上各二兩

人參

二兩

已豆霜

一兩

蜀椒

去目閉口者微炒出汗二兩

川烏頭

炮裂去皮臍二兩半減半更炒

右為細末入已豆霜勻煉蜜和丸為劑旋丸桐子大每服三丸漸次加至以利為度生薑湯下食後臨卧

此藥治療與局方溫白丸同及治處暑以後秋冬間  
藏府下利大効春夏再加黃連二兩秋冬再加厚朴  
二兩計四兩

治風癰病不能愈者從厚朴丸依春秋加添外又於每  
料中加人參菖蒲茯苓去皮各一兩半右依前法和劑  
服餌治反胃又大便不通者是腸勝胃也服局方中半  
硫丸一二百丸如大便秘用後藥

附子

兩半

巴豆

枚二

砒

許一豆

右為極細末生薑糊為丸如菉豆大每服一丸白湯下  
霍亂論第十八

論曰醫之用藥如將帥之用兵本草曰良醫不能以無藥愈疾猶良將無兵不足以勝敵也故用藥如用兵轉筋霍亂者治法同用兵之急不可緩也故吐瀉不止者其本在於中焦或因渴大飲或飲而過量或饑而飽甚或濕內甚故陰陽交而不和是為吐瀉仲景曰邪在上焦則吐邪在下焦則瀉邪在中焦則既吐且利此為急

病也然吐利為急十死其一二如揮霍撩亂而不得吐  
瀉此名乾霍亂必死法曰既有其入必有所出今有其  
入而不得其出者否也塞也故轉筋吐瀉者其氣有三  
一曰火二曰風三曰濕吐為喝熱也王注曰炎熱薄燥  
心之氣也火能炎上故吐也瀉為濕也叔和云濕多成  
五泄內經曰濕勝則濡瀉又經曰風勝則動筋屬肝而  
應於風木故脚轉筋燥急也內經曰諸筋反戾水液渾  
濁皆屬於熱故仲景治法曰熱多欲飲水五苓散寒多

不飲水者理中凡凡覺此證或先五苓益元桂苓甘露散乃吐瀉之聖藥也慎無與粟米粥湯穀入於胃則必死本草曰粟米鹹微味寒無毒主養腎氣去脾胃中熱益氣霍亂者脾胃極損不能傳化加以粟米如人欲斃更以利刀鋸其首豈有能生者邪如吐瀉多時欲住之後宜微以粥飲漸以養之以遲為妙

治霍亂轉筋吐瀉不止半夏湯

半夏麴

茯苓

白朮

各半兩

淡桂

一錢半



甘草

炙二錢半

右為細末渴者凉水調下不渴者溫水調下不計時

候

五苓散

白朮

茯苓

木猪苓

各一兩半

澤瀉

二兩半

桂

一兩

右為細末冷水調下或水煎三沸冷服亦得

理中丸

白朮

人參

乾薑

甘草

各等分

右為細末煉蜜為丸彈子大每服一丸冷水化下  
如吐瀉不止身冷汗出無脉者可服後瀉利論中漿水  
散煎桂枝湯白朮湯皆可用後痢門中藥亦可選用  
凡霍亂不可飲熱白米湯飲之死不救

瀉論第十九

論曰藏府瀉利其證多種大抵從風濕熱論是知寒少  
而熱多寒則不能久也故曰暴瀉非陽久瀉非陰論曰

春宜緩形形緩動則肝木乃榮反靜密則是行秋令金能制木風氣內藏夏至則火盛而金去獨火木旺而脾土損矣輕則飧泄身熱脉洪穀不能化重則下痢膿血稠粘皆屬於火經曰溲而便膿血知氣行而血止也宜大黃湯下之是為重劑黃芩芍藥湯為之輕劑是實則瀉其子木能自虛而脾土實矣故經曰春傷於風夏必飧泄此逆四時之氣人所自為也有自太陰脾經受濕而為水泄虛滑微滿身重不知穀味假令春宜益黃散

補之夏宜瀉之法云宜補宜瀉宜和宜止假令和則芍藥湯是也止則呵子湯是也久則防變而為膿血脾經傳腎謂之賊邪故難愈若先痢而後滑謂之微邪故易痊此皆脾土受實天行為也雖聖智不能逃口食味鼻食氣從鼻而入留積於脾而為水瀉有厥陰經動下痢不止其脉沉而遲手足厥逆涕唾膿血此難治宜麻黃湯小續命汗之法曰謂有表邪縮於內當散表邪而愈有暴下無聲身冷自汗小便清利大便不禁氣難布息

脉微嘔吐急以重藥溫之漿水散是也故法云後重則  
宜下腹痛則宜和身重則除濕脉弦則去風血膿稠粘  
以重藥竭之身冷自汗以毒藥溫之風邪內縮宜汗之  
則愈驚澹為痢當溫之又云在表者發之在裏者下之  
在上者湧之在下者竭之身表熱者內踈之小便澁者  
分利之又曰盛者和之去者送之過者止之兵法云避  
其來銳擊其惰歸此之謂也凡病泄而惡風寒是太陰  
傳少陰是木來尅水也用除濕白朮茯苓安脾芍藥桂

黃連破血也火邪不能勝水也太陰經不能傳少陰而反火邪上乘肺經而痢必白膿也加黃連當歸之類又裏急後重脉大而洪實為裏熱而甚蔽是有物結墜也若脉浮大甚不宜下雖裏急後重而脉沉細弱者謂寒邪在內而氣散也可溫養而自愈裏急後重閉者大腸經氣不宣通也宜加檳榔木香宣通其氣如痢或泄而嘔者胃中氣不和也上焦不和治以生薑橘皮中焦不和治以芍藥當歸桂枝茯苓下焦不和寒治以輕熱甚以

重熱藥大便虛秘澁久不愈恐太陰傳少陰多傳變為  
痢太陰傳少陰是為賊邪先以枳實厚朴湯以防其變  
若四肢懶倦小便少或不利大便走沉困飲食減宜調  
胃去濕白朮芍藥茯苓三味水煎服以白朮之甘能入  
胃而除脾胃之濕芍藥之酸澁除胃中之濕熱四肢困  
茯苓之淡泄能通水道走濕此三味泄痢須用此如發  
熱惡寒腹不痛加黃芩為主如未見膿而惡寒乃太陰  
欲傳少陰也加黃連為主桂枝佐之如腹痛甚者加當

歸倍芍藥如見血加黃連為主桂當歸佐之如燥煩或  
先便白膿後血或發熱或惡寒非黃芩不止上部血也  
如惡寒脉沉或白腰痛或血臍下痛非黃連不能止此  
中部血也如惡寒脉沉先血後便非地榆不能除此下  
部邪也血也如便膿血相雜而脉浮大慎不可以大黃  
下之下之必死謂氣下竭也而陽無所收也凡陰陽不  
和唯可以分陰陽藥治之又云暴泄非陰久泄非陽大  
便完穀下有寒有熱者脉疾身多動音聲響亮暴注下



迫此陽也寒者脉沉而細疾身不動作目睛不可了了  
飲食不下鼻準氣息者薑附湯主之若身重四肢不舉  
朮附湯主之

治泄痢腹痛或後重身熱久而不愈脉洪疾者反下痢  
膿血稠粘黃芩芍藥湯

黃芩

芍藥

各二兩

甘草

五錢

右為麤末每服半兩水一盞半煎至一盞溫服清無  
時如痛則加桂少許

治泄痢久不愈膿血稠粘裏急後重日夜無度久不愈者用大黃湯

大黃

一兩

右為細剉好酒二大盞同浸半日許再同煎至一盞半去大黃不用將酒分為二服頓服之痢止一服如未止再服以利為度服芍藥湯和之痢止再服黃芩芍藥湯和之以徹其毒也

芍藥湯 下血調氣經曰澁而便膿氣行而血止行血

則便自愈調氣則後重除

芍藥

兩一

當歸

兩半

黃連

兩半

檳榔

錢二

木香

錢二

甘草

炒二錢

大黃

錢三

黃芩

兩半

官桂

半二錢

右咬咀每服半兩水二盞煎至一盞食後溫服清如

血痢則漸加大黃如汗後藏毒加黃蘗半兩依前服

白朮黃耆湯 服前藥痢雖已除猶宜此藥和之

白朮

兩一

黃耆

錢七

甘草

錢三

右咬咀勻作三服水一盞半煎至一盞去滓溫服清  
治泄痢殄泄身熱脉弦腹痛而渴及頭痛微汗宜防風  
芍藥湯

防風

芍藥

黃芩

各一兩

右咬咀每服半兩或一兩水三盞煎至一盞溫服清  
治太陰脾經受濕水泄注下體微重微滿困弱無力不  
欲飲食暴洩無數水穀不化先宜白朮芍藥湯和之身  
重暴下是大勢來亦宜和之

白朮芍藥湯

白朮

兩一

芍藥

兩一

甘草

錢五

右剉每服一兩水二盞煎至一盞溫服清如痛甚者宜

蒼朮芍藥湯

蒼朮

兩二

芍藥

兩一

黃芩

兩半

右剉每服一兩加淡味桂半錢水一盞半煎至一盞溫服清如脉弦頭微痛者宜

蒼朮防風湯

蒼朮

防風

各二兩

上使

右剉同煎服如下血者宜

蒼朮地榆湯

蒼朮

二兩

地榆

一兩

下使

右剉同煎服

已上證如心下痞每服各加枳實一錢如小便不利每服各加茯苓二錢如腹痛漸已瀉下微少宜訶子散止之法云大勢已去而宜止之

訶子散

訶子

一兩半  
生半熟

木香

半兩

黃連

三錢

甘草

三錢

右為細末每服三錢以白朮芍藥湯調下如止之不  
已宜歸而送之也訶子散加厚朴一兩竭其邪氣也  
虛滑久不愈者多待變為痢疾太陰傳待少陰是為  
鬼邪先以厚朴枳實湯防其待變

厚朴枳實湯

厚朴

一兩  
剉

枳實

一兩  
剉

訶子

一兩半生  
半熟半

木香

半兩

黃連

錢二

甘草

錢三

大黃

錢三

右為細末每服三五錢水一盞半煎至一盞去滓溫服  
治暴泄如水周身汗出一身盡冷脉微而弱氣少而不  
能語其甚者加吐此謂急病宜治之以漿水散

半夏

湯洗  
二兩

附子

半兩  
炮

乾薑

錢五

良薑

二錢  
半

桂

錢五

甘草

錢五  
炙

右為細末每服三五錢漿水二盞煎至一盞和滓熱  
服甚者三四服微者三服太陽經動下痢為驚澹大



腸不能禁固卒然而下成小泊光色其中或有硬物  
欲起而又下欲了而不了小便多清此寒也宜溫之  
春夏桂枝秋冬白朮湯

桂枝湯

桂

白朮

芍藥

各半兩

甘草

二錢炙

右剉每服半兩水一盞煎至七分去滓溫服清

白朮湯

白朮

芍藥

各三錢

乾薑

半兩炒

甘草

二錢炙

右劉為麤末如前服之甚則去乾薑加附子三錢卒能發也

治厥陰動為瀉痢者寸脉沉而遲手足厥逆下部脉不至咽喉不利或涕唾膿血瀉痢不止者為難治宜升麻湯或小續命湯以發之法云謂表邪縮于內故下痢不止當散表邪于四肢布於絡脉外無其邪則藏府自安矣

治水積入胃名曰溢飲滑泄渴能飲水水下復瀉而又

渴此無藥證當灸大椎

諸瀉痢久不止或暴下者皆太陰受病故不可離于芍藥若不受濕不能下痢故須用白朮是以聖人立法若四時下痢於芍藥白朮內春加防風夏加黃芩秋加厚朴冬加桂附然更詳外證寒熱處之如裏急後重須加大黃如身困倦須加白朮如通身自汗逆冷氣息微加桂附以溫之如或後重膿血稠粘雖在盛冬於溫藥內亦加大黃

諸下痢之後小便利而腹中虛痛不可忍者此謂陰陽交錯不和之甚也當服神效越桃散

大梔子

三錢

高良薑

三錢

右和勻每服三錢米飲或酒調下其痛立效

治大便秘後下血腹中不痛謂之濕毒下血宜服黃連湯

黃連

去須

當歸

各半兩

甘草

二錢炙

右咬咀每服五錢水一盞煎至七分食後溫服

治大便秘後下血腹中痛者謂熱毒下血當服芍藥黃連

湯

芍藥

當歸

黃連

各半兩

大黃

一錢

桂

淡味半錢

甘草

一錢炙

右咬咀每服半兩同前煎服如痛甚者調木香檳榔末一錢服之

治久病腸風痛痒不任大便下血地榆湯

蒼朮

去皮四兩

地榆

二兩

右咬咀每服一兩水一盞煎至七分食前多服除根

治濕瀉茯苓湯

白朮

一兩

茯苓

去皮七錢半

右咬咀水煎一兩食前服食入而瀉謂胃中有宿穀也當枳實五錢酒入而瀉溫熱瀉也加黃芩五錢

治寒積痢男子小兒婦人皆不同赤白或清痢如水不後重者寒也經云澄徹清冷皆屬於寒此為虛寒中有積也宜附子已豆之類下之見利則愈空心服

治瀉痢久藏府不止虛滑穀不化用蒼朮湯下桃花丸

蒼朮

二兩

防風

二兩

右剉細水用一椀煎至一大盞絞清汁下桃花丸八  
十丸立愈如小便澁少以五苓散下桃花丸或赤石  
脂凡小便利則愈矣

太陽為脇熱痢涼膈散主之

陽明為痼瘕進退大承氣湯主之珍珠囊中有

少陽風氣自動其脉弦大柴胡湯主之

太陰濕勝濡瀉不可利而可溫四逆湯主之

少陰蟄封不動禁固可澁赤石脂丸乾薑湯主之

厥陰風泄以風治風小續命湯消風散主之

治下痢膿血裏急後重日夜無度蘗氣湯

芍藥

一兩

當歸

五錢

大黃

黃芩

各一錢半

黃連

木香

各一錢

檳榔

一錢

右為末每服三五錢水一盞煎至七分去滓溫服清  
如未止再煎服不後重則止

雜例



漫而便膿者小腸泄也脉五至之上洪者宜以七宣  
丸如脉平者立秋至春分宜香連丸春分至立秋宜  
芍藥蘼皮四季通用宜加減平胃散七宣丸之類後  
宜服此藥去其餘邪兼平胃氣芍藥蘼皮丸

芍藥

黃蘼

各等分

右為細末醋糊為丸如桐子大每服五七十丸至二  
百丸溫水下食前

加減平胃散

白朮

厚朴

陳皮

各一兩

甘草

七錢

檳榔

三錢

木香

三錢

桃仁

黃連

人參

阿膠

各半兩

白茯苓

去皮半兩

右為細末同平胃散煎服血多加桃仁泄加黃連小便澁加茯苓氣不下後重加檳榔木香腹痛加芍藥甘草膿加阿膠濕加白朮脉洪加大黃四時以胃氣為本久下血痢則脾虛損而血不流於四肢入於胃中為血宜滋養脾胃則愈

夫五瀉者之病其治法各不同者外證各異也

胃泄者飲食不化多黃承氣湯下

脾泄者腹脹滿泄注食即嘔吐逆津建中理中

大腸泄者食已逼窘迫大便白腸鳴切痛乾薑附子

小腸泄者洩便膿血少腹痛承氣湯

大瘕泄者裏急後重數至圞而不能便足少陰是也

莖中痛急利小便此五瀉之病也胃小腸大瘕三證皆

清涼飲子主之其泄自止後厥陰少陰二證另有治法

厥陰證而加甘草謂主莖中痛是肝也內經曰肝苦急  
急食甘以緩之少陰經證多裏急後重故加大黃令急  
推過物去則輕矣內經曰因其重而減之又曰在下者  
引而竭之又有太陰陽明二經證當進退大承氣主之  
太陰證不能食也當先補而後瀉之乃進藥法也先煎  
厚朴半兩俱依本方加製水一盞半煎至一半服若三  
兩服後未已謂有宿食不消又加枳實二錢同煎服三  
兩服泄又未已如稍加食尚有熱毒又加大黃三錢推

過泄止住藥如泄未止謂腸胃有久塵垢滑粘加芒硝  
半合宿垢去盡則愈也陽明證能食是也當先瀉而後  
補謂退藥法也先用大承氣湯五錢水一盞依前法煎  
至七分稍熱服如泄未止去芒硝後稍熱退減大黃一  
半煎兩服如熱氣雖已其人必腹滿又減去大黃枳實  
厚朴湯又煎三兩服如腹脹滿退泄亦自愈後服厚朴湯  
數服則已

又寒熱水洩之例于后

洩者一也總包五法謂之六義曰六解難經有傷寒五泄叔和云濕多成五洩仲景解四經泄痢有不可汗有不可下者可吐可灸者仲景隨經自言之假令渴引飲者是熱在膈上水多入則下禹入胃中胃經本無熱不勝其水名曰水泄故使米穀一時下此證當灸大推三五壯立已乃瀉督也如用藥使車前子雷丸白朮茯苓之類可選用之五苓散亦可又有寒泄者大腹滿而泄又有驚澹者是寒泄也鴨澹者大便如水中少結糞

者是也如此者當用天麻附子乾薑之類是也

又法曰泄有虛實寒熱虛則無力粘衣不便已洩出謂不能禁固也實則數至圓而不能便俗云虛坐努責是也裏急後重皆依前法進退大承氣湯主之一說素問云春傷於風夏必飧泄又云久風為飧泄泄者乃水穀不化而完出非水入胃而成此證非前水恣也此一證不飲水而穀完出名曰飧泄治法於後先以宣風散導之出錢氏方中四味者是也後服蒼朮防風湯

蒼朮

去皮  
四兩

麻黃

去根節  
四兩

防風

去芦頭  
五錢

右為麤末每服一兩生薑七片水二盞煎至一盞去滓溫服泄止後服椒朮丸

蒼朮

二兩

小椒

一兩去  
目炒

右為極細末醋糊為丸如桐子大每服二十九或三十丸食前溫水下一法惡痢久不愈者彌加如小兒病丸如黍米大

治瀉痢膿血乃至脫肛地榆芍藥湯



蒼朮

兩八

地榆

兩三

卷柏

兩三

芍藥

兩三

右咬咀每服一兩水一大盞半煎至一半溫服清病

退藥止

五泄傷寒乃分三節

初說暴

次說中

後說久泄

此說在難經二十二難是三節內包十五法初以暴藥  
中以的對證藥後疾得中也末治久泄法仲景論厥陰  
經治法是也

治久泄法先進縮煎小續命湯是發其汗使邪氣不能  
侵于內然後治其痢秋冬間下痢風吐論中加減厚朴  
丸大效

凡藏府之秘不可一例治療有虛秘有實秘胃實而秘  
者能飲食小便赤當以麻仁丸七宣丸之類主之胃虛  
而秘者不能飲食小便清利厚朴湯主之

厚朴

薑制  
一兩

白朮

五兩

半夏麴

二兩

枳實

一兩  
炒

陳皮

去白  
一兩

甘草

三兩  
炙

右為麤末每服三五錢水一盞半生薑五片棗三枚煎至一盞去滓溫服空心實秘者物也虛秘者氣也平胃丸治病久虛弱厭厭不能食而藏府或秘或溇此胃氣虛弱也常服和中消痰去濕及厚腸胃進飲食

厚朴

一兩

白朮

一兩二錢

陳皮

八錢去白

木香

一錢

生半夏

湯洗二兩

檳榔

二錢半

枳實

半錢

甘草

三錢炙

右為細末薑汁浸蒸餅丸桐子大每服三五十九生薑湯或溫水送下

心痛論第二十

論曰諸心痛者皆少陰厥氣上衝也有熱厥心痛者身熱是寒痛甚則煩燥而吐額自汗出知為熱也其脉洪大當灸大谿及崑崙謂表裏俱瀉之是謂熱病汗不出引熱下行表汗通身而出者愈也灸畢服金鈴子散痛止服枳朮丸去其餘邪也有實心中痛者因氣而食卒然發痛大便或秘久而注悶心胃高起按之愈痛不能飲食急以煮黃凡利之利後以橐本湯去其餘邪有寒

厥心痛者手足逆而通身冷汗出便利溺清或大便利而不渴氣微力弱急以朮附湯溫之寒厥暴痛非久病也朝發暮死當急救之是知久痛無寒而暴痛非熱也治熱厥心痛或發或止久不愈者當用金鈴子散

金鈴子

玄胡

各一兩

右為細末每服三錢酒調下

大實心痛煮黃丸

雄黃

一兩研

已豆

五錢去皮生用研細入雄黃末

右再研二味白麵二兩同和再研勻滴水丸如桐子  
大每服時先煎漿水令沸下藥二十四丸煮一二十  
沸撈入冷漿水沉冷一時服一九二日二十四時加  
至微利為度用浸藥水送下此治脇下痞痛如神  
治大實心痛大便已利宜藁本湯徹其痛也

藁本

半兩

蒼朮

一兩

右為麤末每服一兩水二盞煎至一盞溫服清

治寒厥暴痛脉微氣弱宜朮附湯

術附湯

附子

一兩炮去皮  
臍細切一兩

白朮

四兩

甘草

二兩  
炒

右為麤末入附子令勻每服三錢水一大盞半入生薑五片棗一枚劈破同煎至一盞去滓溫服食前此藥又治風濕相搏身重疼煩不能轉側不嘔不渴大便堅硬小便自利及風虛頭目眩重者不知食味暖肌補中助陽氣止自汗

治男子婦人心經中搖熱如癰病狀宜服妙香丸風癰

者煎羌活為引下妙香丸血癰當歸湯引下

刺心痛諸穴於後

真心痛手足青至節痛甚旦發夕死夕發旦死心痛  
腹脹嗆嗆然大便秘不利取足太陰心痛引腰脊欲嘔  
取刺足少陰心痛引小腹滿上下無常處便溺難刺  
足厥陰心痛短氣刺手太陰心痛當九節刺之立已  
不已上下求之得之則已

接經三法



心痛與背相接善恐如從後觸其心偃僂者腎心痛也先刺經骨崑崙不已刺合骨

心痛腹脹胃滿心尤痛者胃心痛也刺太都太白二穴心痛如錐刺乃脾心痛也刺然谷太谿

心痛蒼然如死狀終日不得休息乃肝心痛刺行間太衝

心痛卧若徒居心痛間動作益痛甚者其色不變此肺心痛也刺魚際太淵宣通氣行無所凝滯則病愈

也

太谿穴足少陰腎經土也為腓在足內踝後根骨上脉  
動陷中可灸三壯或五七壯此瀉熱厥心痛

崑崙足太陽膀胱經水也在足外踝後根骨上陷中可  
灸三壯或五七壯亦可瀉熱厥痛

保命集卷中

欽定四庫全書

子部  
保命集卷下

詳校官太醫院吏目臣周世泰

編修臣倉聖脈覆勘

總校官檢討臣何思鈞

校對官中書臣王璦

謄錄監生臣邵士洙

欽定四庫全書

保命集卷下

欬論第二十一

金 張元素 撰

論曰欬謂無痰而有聲肺氣傷而不清也嗽是無聲而有痰脾濕動而為痰也欬嗽謂有痰而有聲蓋因傷於肺氣動於脾濕欬而為嗽也脾濕者秋傷於濕積于脾也故內經曰秋傷于濕冬必欬嗽大抵素秋之氣宜清

肅反動之氣必上衝而為欬甚則動于脾濕發而為痰  
焉是知脾無留濕雖傷肺氣而不為痰也有痰寒少而  
熱多故欬嗽者非專主于肺而為病以肺主皮毛而司  
於外故風寒先能傷之也內經曰五臟六府皆能令人  
欬非獨肺也各以其時主之而受病焉非其時各傳而  
與之也所病不等寒暑燥濕風火六氣皆令人欬唯濕  
病痰飲入胃留之而不行上入于肺則為欬嗽假令濕  
在于心經謂之熱痰濕在肝經謂之風痰濕在肺經謂

之氣痰濕在腎經謂之寒痰所治不同宜隨證而治之  
若欬而無痰者以辛甘潤其肺故欬嗽者治痰為先治  
痰者下氣為上是以南星半夏勝其痰而欬嗽自愈枳  
殼陳皮利其氣而痰自下痰而能食者大承氣湯微下  
之少利為度痰而不能食者厚朴湯治之夏月嗽而發  
熱者謂之熱痰嗽小柴胡四兩加石膏一兩知母半兩  
用之冬月嗽而發寒熱謂之寒嗽小青龍加杏仁服之  
然此為大例更當隨證隨時加減之量其虛實此治法

之大體也

蜜煎生薑湯

蜜煎橘皮湯

燒生薑胡桃

此者皆治無痰而嗽者當辛甘潤其肺故也如但使青陳皮藥皆當去白本草云陳皮味辛理上氣去痰氣滯塞青皮味苦理下氣二味俱用散三焦之氣也故聖濟云陳皮去痰穰不除即生痰麻黃發汗節不去而止汗

治風痰熱咳嗽其脉弦而青四肢滿悶便溺秘澁心多

燥怒水煑金花丸

南星

半夏

各一兩  
生用

天麻

五錢

雄黃

二錢

白麵

三兩

寒水石

一兩燒  
存性

右為細末滴水為丸每服五七十丸至百丸煎漿水

沸下藥煮令浮冒度漉出淡漿水浸另用生薑湯下

或通聖加半夏及局方中川芎丸防風丸皆可用也

小黃丸治熱痰欬嗽脉洪面赤煩熱心痛唇口乾燥多

喜笑宜小黃丸



南星

洗湯

半夏

洗各一兩

黃芩

一兩半

右為細末生薑汁浸蒸餅為桐子大每服五十九至七十凡食後薑湯下及小柴胡湯中加半夏亦可

白朮凡治痰濕欬嗽脉緩面黃肢體沉重嗜卧不收腹脹而食不消化宜白朮丸

南星

半夏

俱湯洗各一兩

白朮

一兩半

右為細末糊為丸桐子大每服五七十九生薑湯下及局方中防己丸亦可用

玉粉凡治氣痰欬嗽脉澁面白上喘氣促洒淅惡寒愁  
不樂宜服之

南星

半夏

俱洗各  
一兩

官桂

去皮  
一兩

右為細末糊為丸如桐子大每服五七十丸生薑湯  
下食後及局方中防已丸亦可玉粉丸加減在後心  
下痞者加枳實五錢身熱甚者加連五錢體重者加  
茯苓一兩氣上逆者加苦亭蕪五錢氣促者加人參  
桔梗各五錢浮腫者加郁李仁杏仁各五錢大便秘

者加大黃五錢

雙玉散治痰熱而喘痰湧如泉

寒水石

石膏  
各等分

右為細末煎人參湯調下三錢食後服

治痰十緡湯

半夏

生味  
一兩

大皂角

去皮子半  
兩剉碎

右同於絹袋中盛之用水三升生薑七大片同煎至一半以手操洗之取清汁分作三服食後併服二服

效

防風丸治痰嗽胃中氣不清利者 枳朮丸亦妙

防風

半兩

枳殼

半兩去穢炒

白朮

一兩

右細末燒飯為丸每服五七十丸生薑湯下

天麻丸

天麻

一兩

半夏

南星

各一兩

雄黃

少許

右以白麴二兩滴水為丸如桐子大每服五十丸至百丸煎淡水令沸下藥煮十餘沸漉出食前生薑湯

下

利膈丸主胃中不利痰嗽喘促利脾胃壅滯調秘瀉藏  
推陳致新消進飲食治利膈氣之勝藥也

木香

一錢半

檳榔

一錢半

人參

三錢

當歸

二錢

藿香

一錢半

大黃

酒浸焙  
一兩

厚朴

薑制  
三兩

枳實

一兩炒

甘草

五錢  
炙

右為細末滴水和丸如桐子大每服三五丸食後

諸飲皆下

欬氣丸治久嗽痰喘肺氣浮腫

青皮

去白

陳皮

去白

檳榔

木香

杏仁

去皮尖

郁李仁

去皮

茯苓

澤瀉

當歸

茂

炮

馬兜鈴

苦亭蘆

已上各三兩

人參

防己

各五錢

牽牛

取頭末一兩

右為細末生薑汁麵糊為丸如梧子大每服一二十丸加至五七十丸生薑湯下食後

玉粉丸治痰結咽喉不利語音不出

半夏

洗五錢

草烏

一字少

桂

一字多

右同為末生薑汁浸蒸餅為丸如雞頭大每服一丸至夜含化多歲不愈者亦效

枳殼湯治久疾胃弱不利者多上焦發熱

枳殼

麩炒去穢二兩

桔梗

三兩

黃芩

一兩半

右同剉每日早用二兩半水三盞煎至二盞勻作三服午時一服申時一服臨卧時一服三日七兩半藥盡服生半夏湯

生半夏湯

半夏

不以多少洗七遍切作片子

右每服秤三錢水一盞半入生薑五大片同煎至一盞和滓食後服一日三服服三日畢再服枳朮丸盡其痰為度論曰先消胃中氣後去膈上痰再服枳朮丸凡謂首尾合盡消其氣謂令痰不復作也

清鎮丸治熱嗽

小柴胡湯內加人參一倍

青黛

半兩



右為細末麵糊丸如桐子大每服五十丸生薑湯下  
半夏丸治因傷風而痰作喘逆兀兀欲吐惡心欲倒已  
吐加檳榔三錢

半夏

一兩湯洗切

雄黃

研三錢

右同為末生薑汁浸蒸餅為丸桐子大每服三十丸  
生薑湯下小兒丸如黍米大

白朮散治夏暑大熱或醉飲冷痰濕不止膈不利

白朮

茯苓

半夏

洗

黃芩

各等分

右為麤末每服五錢至七錢水二盞入生薑十片煎至一盞去滓調陳皮末一錢神麴末一錢食後

法曰大熱大飲蓋酒味熱而引飲冷冷與熱凝於胃中不散而成濕故痰作矣甚者宜吐之吐後服五苓甘露勝濕去痰之劑

白朮湯治痰潮上如湧泉久不可治者

白朮

白茯苓

半夏

等分

右為末每服半兩病大者一兩水二盞生薑七片煎

至一盞取清調神麴末二錢頓服之病甚者下玉壺  
丸一百丸大效永除根

天門冬丸治婦人喘手足煩熱骨蒸寢汗口乾引飲面  
目浮腫

天門冬

十兩去  
心秤

麥門冬

去心  
八兩

生地黃

三斤取汁  
為膏子

右二味為末膏子和丸如梧子大每服五十丸煎逍  
遙散送逍遙散中去甘草加人參或服王氏博濟方  
中人參荊芥散亦可如面腫不已經曰面腫曰風故

宜汗麻黃桂枝可發其汗後服柴胡飲子去大黃故  
論曰治藏者治其俞治府者治其合浮腫者治其經  
治俞者治其土也治合者亦治其土也如兵家圖魏  
救趙之法也

虛損論第二十二

論曰虛損之疾寒熱因虛而感也感寒則損陽陽虛則  
陰盛損自上而下治之宜以辛甘淡過于胃則不可治  
也感熱則損陰陰虛則陽盛故損自下而上治之宜以

苦酸鹹過于脾則不可治也自上而損者一損于肺皮聚而毛落二損損于心血脉虛少不能榮于藏府婦人月水不通三損損于胃飲食不為肌膚自下而損者一損于腎骨痿不能起于床二損損于肝筋緩不能自收持三損損于脾飲食不能消克論曰心肺損而色蔽腎肝損而形痿穀不能化而脾損感此病者皆損之病也漸漬之深皆虛勞之疾也

四君子湯治肺損而皮聚毛落益氣可也

白朮

人參

黃耆

茯苓

各等分

右為麤末每服五錢至七錢水一盞煎至七分去滓  
食遠溫服

八物湯治心肺虛損皮聚而毛落血脉虛損婦人月水  
愆期宜益氣和血

白朮

人參

黃耆

茯苓

川芎

熟地黄

當歸

芍藥

各等分

右麤末服五七錢水一盞煎至七分去滓食後溫服

十全散治心肺損及胃飲食不為肌膚宜益氣和血調

飲食

白朮

人參

黃耆

茯神

桂

熟地黃

當歸

川芎

芍藥

甘草等分

右為末加生薑棗同煎水一大盞藥五錢煎至七分

食前日三服

金剛丸治腎損骨痿不能起于床宜益精

草薺

杜仲

炒去綠

菰蓉

酒浸

兔絲子

酒浸等分

右為細末酒煮猪腰子為丸每服五七十丸空心酒

下

牛膝丸治腎肝損骨痿不能起于床筋緩不能收持宜

益精緩中

牛膝

酒浸

草薺

杜仲

炒去綠

菰蓉

酒浸

防風

兔絲子

酒浸

白蒺藜

各等分

桂

半之

右細末酒煮猪腰子搗丸桐子大空心酒下五七十



丸

煨腎丸治腎肝損及脾損穀不化宜益精緩中消穀

牛膝

萆薢

杜仲

菴蓉

兔絲子

防風

白蒺藜

胡蘆巴

破故紙

等分

桂

半之

右和劑服餌如金剛丸法腰痛不起者甚效

黑地黃丸加五味子名腎氣丸治陽盛陰虛脾腎不足  
房室虛損形瘦無力面多青黃而無常色宜此藥養血

益腎

蒼朮

一斤米  
泔浸

熟地黄

一斤

川薑

冬一兩夏五  
錢春七錢

五味子

半斤

右為細末棗肉為丸如梧子大每服一百凡至二百  
凡食前米飲下或酒治血虛久之甚效經曰腎苦燥  
急食辛以潤之開腠理致津液通氣五味子味酸故  
酸以收之此雖陽盛不燥熱乃是五藏虛損於內故  
可益血收氣也此藥類象神品藥也

治陽虛陰盛心肺不足宜八味丸若形體瘦弱無力多困未知陰陽先損夏月地黃丸春秋宜腎氣丸冬月宜八味丸

消渴論第二十三

論曰消渴之疾三焦受病也有上消中消腎消上消者上焦受病又謂之鬲消肺也多飲水而少食大便如常或小便清利知其燥在上焦也治宜流濕潤燥中消者胃也渴而飲食多小便黃經曰熱能消穀知熱在中法

云宜下之至不欲飲食則愈腎消者病在下焦初發為膏淋下如膏油之狀至病成而面色鰲黑形瘦而耳焦小便瀉而有脂治法宜養血以肅清分其清濁而自愈也法曰燥上而渴辛甘而祛用潤肺故可用蜜煎生薑湯大器頓之時時呷之法云心肺之病莫厭頓而少飲內經云補上治宜以緩又曰辛以潤之開腠致津液通則肺氣下流故氣下火降而燥衰矣其渴乃止又經曰二陽結為消王注曰二陽結於胃及大腸俱熱也腸胃

藏熱則善消水穀可甘辛降火之劑黃連末一斤生地黃自然汁白蓮花藕自然汁牛乳汁各一斤熬成膏子劑連末為丸每服桐子大三十丸少呷溫水送下日進十服渴病立止

治上焦鬲消而不欲多食小便清利宜小柴胡湯或加白虎湯或錢氏中地骨皮散內加芍藥黃耆石膏黃芩桔梗之類是也

人參石膏湯治鬲消上焦煩渴不欲多食

人參

半兩

石膏

一兩一錢

知母

七錢

甘草

四錢

右為麤末每服五錢至七錢水煎食後溫服

順氣散治消中熱在胃而能食小便赤黃微利之為效不可多利服此藥漸漸利之不欲多食則愈

厚朴

薑制一兩

大黃

四兩

枳實

二錢炒

右剉每服五錢水煎飯遠服

茴香散治腎消病下焦初證小便如膏油

茴香

炒

苦練

炒

右細末酒調二錢食前

八味丸治腎消大病加減法

本方內倍加山藥外桂附從四時加減假令方內桂附一兩春各用三錢夏用一錢秋用五錢冬全用一兩珍珠粉丸治白淫夢泄遺精及滑出而不收

黃栢一斤

於新瓦上燒  
令通赤為度

真蛤粉一斤

右為細末滴水丸如桐子大每服一百丸空心酒下  
法曰盛陽乘陽故精泄也黃栢降火蛤粉鹹而補腎

陰也又治思想無窮所願不得之證

竹籠散治消渴

五靈脂

黑豆

去皮  
臍

右等為細末每服三錢冬瓜湯調下無冬瓜苗葉皆可日二服小渴二三服效渴定不可服熱藥唯服八味凡去附子加五味子

腫脹論第二十四

小兒附

靈樞脹論云帝問岐伯脹形何如岐伯曰夫心脹者煩



心氣短卧不安肺脹者虛滿而喘欬肝脹者脇下滿而痛引少腹脾脹者善噦四肢煩悞體重不能勝衣卧不安腎脹者引背央央然腰髀痛六腑脹胃脹者腹滿胃脘痛鼻聞焦臭妨于食大便難大腸脹者腸鳴痛而濯濯冬日重於寒則飧泄食不化小腸脹者小腹膜滿引腰而痛膀胱脹者少腹氣滿而氣癢三焦脹者氣滿于皮膚中磴磴然而不堅膽脹者脇下痛脹口苦善太息又水脹篇云帝問岐伯水脹何如荅曰水始起也目窠

上微腫如新卧起之狀其頸脉動欬陰股間寒足脛腫  
腹乃大其水已成矣以手按其腹隨手而起如裹水之  
狀此其候也帝曰膚脹何如岐伯曰膚者寒氣客于皮  
中鼓空空然不堅腹身大盡腫皮厚按其腹窅而不起  
腹色不變此其候也鼓脹何如答曰腹脹身皆大大與  
膚脹等也色蒼黃腹筋起此其候也腸覃何如答曰寒  
氣客于腸外與衛相搏氣不得榮因有所繫癖而內著  
惡氣乃起瘕肉生其始大也大如雞子稍以益大至其

成如懷子狀久離歲按之則堅推之則移月事不以時下此其候也石瘕如何答曰石瘕生于胞中寒氣客于子門閉塞氣不通惡血當瀉衄以留止日以益大狀如懷子月事不時皆生於女子可導而下帝曰膚脹鼓脹可刺邪曰先瀉其脹之血絡復調其經刺去其血絡也

經云平治權衡去菀陳剋開鬼門潔淨府平治權衡者察脉之浮沉也去菀陳剋者踈滌腸胃也開鬼門潔淨府者發汗利小便也又鼓脹之病治以難尿醴名醫云

其腫有短氣不得卧為心水兩脇痛為肝水大便鴨瀉  
為肺水四肢皆腫為脾水腰痛足冷為腎水口苦咽乾  
為膽水乍虛乍實為大腸水各隨其經絡分其內外審  
其脉證而別之大有風水皮水石水黃汗推各藏以論  
之風合歸肝皮合歸肺黃汗歸脾石合歸腎風水脉浮  
必惡風皮水脉亦浮按下沒指石水脉沉腹滿不喘黃  
汗脉沉遲發熱而多涎久而不愈必致癰膿水腫脉浮  
帶數即是虛寒潛止其間久必沉伏沉伏則陽虛陰實

為水必矣要知水脉必沉是也論曰脉出者死與病不  
相應也諸唇黑則傷肝缺盆盈平則傷心臍出則傷脾  
足平則傷腎背平則傷肺此五者必不可療也治法云  
腰以上宜發汗腰以下利小便錢氏論虛實腹脹實則  
不因吐瀉久病之後亦不因下利脹而喘急悶亂更有  
痰有熱及有宿食不化而脹者宜服大黃丸白餅子紫  
霜丸下之更詳認大小便如俱不通先利小便後利大  
便虛則久病吐瀉後其脉微細肺主目胞腮虛腫手足

冷當先服塌氣丸後服異功散及和中丸益黃散溫其氣因于氣腫者橘皮煎丸因于濕為腫煎防己黃耆湯調五苓散因于熱為腫者服八正散

又一法燥熱於肺為腫者乃絕水之源也當清肺除燥水自生矣于豉梔湯中加黃芩如熱在下焦陰消使氣不得化者當益陰則陽氣自化也黃蘗黃連是也

### 五脉論五水灸法

青水灸肝井 赤水灸心榮 黃水灸脾俞 白水灸

肺經 黑水灸腎合

婦人蠱脹無脉燒青丸 五皮散亦是

論諸蠱脹者有二腫若從胃則旦食而不能夜食旦則不脹夜則脹是也若水腫證濡泄者是也內經曰蠱脹之病治以雞屎醴酒調服水脹之病當開鬼門潔淨府也

白茯苓湯名變水

白茯苓

澤瀉

各二兩

郁李仁

二錢

右咬咀作一服水一椀煎至一半常服無時從少至多服或煎得澄入生薑自然汁在內和麵或做粥飯作常食五七日後覺脹下再中以白朮散

白朮

澤瀉

各半兩

右為細末煎服三錢茯苓湯調下或凡亦可服三十凡

未治之藥服黃耆芍藥建中之類以調養之平復後忌房室猪魚鹽麵等物



治水氣壅脹潔淨府楮實子丸

楮實子

一斗水二斗  
熬成膏子

白丁香

一兩半

茯苓

三兩  
去皮

右二味為細末用楮實膏為丸如桐子大不計丸數  
從少至多服至小便清利及腹脹減為度後服中治  
藥末治藥調養藥踈啓其中忌甘苦酸補其下五補  
七宣

取穴法

治腫治其經治金火也并榮俞經陰經金也舍木水火

陽經火也

治腫木香散

木香

大戟

白牽牛

各等分

右為細末每用三錢猪腰子一對批開摻藥在內燒  
熟空心服之如左則塌左右則塌右如水腫不能全  
去於腹上塗甘遂末在臍滿腹少飲甘草水其腫  
便去也

治水腫

蜈蚣去頭尾與葡萄心同研露七日曝乾為細末淡  
酒調下暑月濕用尤佳

又方

棗一斗鍋內入水上有四指用大戟并根苗蓋之遍  
盆合之煮熟為度去大戟不用旋旋喫無時盡棗決  
愈神效

眼目論第二十五

論曰眼之為病在府則為表當除風散熱在藏則為裏

宜養血安神暴發者為表而易治久病者在裏而難愈  
除風散熱者瀉青丸主之養血安神者定志丸婦人熟  
乾地黄凡是也或有體肥氣盛風熱上行目昏澁者槐  
子散主之此由胸中氣濁上行也重則為痰厥亦缺

使胸中氣清無此病也又有因目疾過藥多而損  
缺

入之眼漸昏弱乍明乍暗不欲視物此目少血之  
驗也熟乾地黄丸消風散定志丸相須而養之或有視  
物不明見黑花者此謂之腎氣弱也宜補腎水駐景丸

是也或有暴失明者謂眼居諸陽交之會也而陰反閉之此風邪內滿當有不測之疾也翳膜者風熱重而有之或斑入眼此肝氣盛而發在表也翳膜已生在表明矣當發散而去之反疎利則邪氣內搖為翳則深也邪氣未定謂之熱翳而浮邪氣已定謂之冰翳而沉邪氣牢而深者謂之陷翳當以煖發之物使其邪氣再動翳膜乃浮輔之退翳之藥則能自去也病久者不能速效當以歲月除之

治眼赤暴發腫散熱飲子

防風

羌活

黃芩

黃連

各一兩

右剉每服半兩水二盞煎至一盞食後溫服如大便秘澁加大黃一兩如痛甚者加當歸地黃如煩燥不能眠睡加梔子一兩

川芎散治風熱上衝頭目眩熱腫及胸中不利

芎

梔子

各一兩

右細末三錢如胸中氣滯不利生薑湯調目疾茶調

風熱上攻咬咀一兩水煎食後

治眼久病昏澁因發而久不愈地黃湯

防風

羌活

黃芩

黃連

地黃

當歸

人參

茯神

各等分

右為麤末每服五七錢水一盞半煎至一盞去滓溫服食後

槐子散

槐子

黃芩

木賊

蒼朮

各等分

右細末茶清調下食後

治眼生翳膜及斑入眼焮赤已過者瀉青丸主之當半減大黃如大便秘焮氣未定依方服之

治水翳久不去者羚羊角散主之

羚羊角

升麻

細辛

各等分

甘草

半之

右為細末一半為散一半蜜為丸如桐子大每服五七十丸以羚羊角散下之食後臨卧米泔水煎服

治太陽經衛虛血實腫人臉重頭中濕淫膚脉睛痛肝



風盛眼黑腎虛桔梗丸

桔梗

一斤

牽牛

頭末  
三兩

右二味為末煉蜜丸如桐子大每服四五十九加至  
百丸食前溫水下日二服

金絲膏 點眼藥

生薑

四兩  
取汁

白沙蜜

一斤煉  
去滓

獬猪膽汁

三錢

黃連

四兩槌用水一  
斗浸煎取五升

右先煎黃連水後入薑汁次入蜜同煎去沫淨次入

下項藥末

腦子

錢四

麝香

錢三

硃砂

錢四

鵬砂

錢三

輕粉

錢五

熊膽

錢四

青鹽

錢三

右極細攪勻熬令稀膏點用

治眼暴赤發嗔痛不可忍者救苦丸

黃連

錢一兩

當歸

錢二

甘草

錢一

右同剉細新水半碗浸一宿以慢火熬約至一半以綿濾去滓以淨為妙用火再熬作稠膏子為度攤在

枕上倒合以物蓋之用熟艾一大彈子許底下燃之  
用艾熏膏子艾盡為度再入下項藥

朱砂

一錢飛

腦子

半錢

乳香

沒藥

等分

右同研極細入黃連膏內搜和丸如米大每用二丸  
點眼大角內仰面卧藥化則起

治眼發赤腫毒氣侵睛脹痛宣毒散

盆硝

雄黃

乳香

沒藥

各等分

右為極細末以少許鼻內嚙之

治眼風毒發腫鼻中欲嚏嚏多大損而生瘡宣風散

川芎

甘菊

各二錢

乳香

沒藥

各一錢

石和勻再研極細少許鼻內嚙之

目能遠視不能近視局方中定志丸目能近視不能遠視萬壽地芝丸

生薑

四兩焙

天門冬

四兩去心

枳殼

三兩去穢炒

甘菊

二兩

右為細末煉蜜丸如桐子大茶清或溫酒下一百丸  
食後此藥能愈大風熱

洗眼藥

呵子<sub>二</sub>  
<sub>兩</sub>

黃丹<sub>四</sub>  
<sub>兩</sub>

蜜<sub>八</sub>  
<sub>兩</sub>

柳枝<sub>四十</sub>  
<sub>寸</sub>

右以河水二椀熬至半椀用一錢熱水化洗之石器

內熬

治眼赤瞎以青堊蛆不論多少淘淨曬乾末之令害眼人仰卧合目用藥一錢散在眼上須臾藥行待少時去藥赤瞎亦無

治倒睫 無名異末之摻捲在紙中作撚子點着到藥

處吹殺以煙熏眊自起

瘡瘍論第二十六

論曰瘡瘍者火之屬須分內外以治其本內經曰膏粱之變足生大丁其原在裏發于表也受持如虛言內結而發諸外未知從何道而出皆是從虛而出也假令太陽經虛從背而出少陽經虛從鬚出陽明經虛從髭而出腎脉經虛從腦而出又經曰地之濕氣感則害人皮膚筋脉其在外盛則內行若其脉沉實當先踈其內以

絕其原也其脉浮大當先托裏恐氣傷于內也有內外之中者邪氣至甚遏絕經絡故發癰腫經曰榮氣不從道于肉理乃生癰疽此因失托裏及失踈通又失和榮衛也治瘡之大要須明托裏踈通行榮衛三法托裏者治其外之內踈通者治其內之外行榮衛者治其中也內之外者其脉沉實發熱煩躁外無焮赤痛其邪氣深於內也故先踈通以絕其原外之內者其脉浮數焮腫在外形證外顯恐邪氣極而內行故先托裏內外之中

者外無炊惡之氣內亦藏府宣通知其在經當和榮衛也  
用此三法之後雖未差必無變證亦可使邪氣峻減而  
易痊愈故經曰諸痛痒瘡瘍皆屬心火又曰知其要者  
一言而終不知其要流散無窮

鍼灸法曰凡瘡瘍可灸刺者須分經絡部分血氣多少  
俞穴遠近若從背而出當從太陽五穴隨證選用或刺  
或灸泄其邪氣缺凡太陽多血少氣

至陰

通谷

束骨

崑崙



委中

從鬚而出者當從少陽五穴選用 少陽少血多氣

竅陰

夾谿

臨泣

陽輔

陽陵泉

從髀而出者當從陽明五穴選用 陽明多血少氣

厲兌

內庭

陷谷

衝陽

解谿

從腦而出者初覺腦痛不可忍且欲生瘡也腦者髓之

海當灸刺絕骨以泄邪氣髓者舍也故脉浮者從太陽  
經依前選用脉長者從陽明經依前選用脉弦者從少  
陽經依前選用論曰諸經各有井榮俞經合井主心下  
滿及瘡色青榮主身熱及瘡赤色俞主體重節痛瘡黃  
色經主欬嗽寒熱瘡白色合主氣逆而泄瘡黑色隨經  
病而有此證者或宜灸宜鍼以泄邪氣經曰邪氣內搖  
則腫熱宜砭射之也內經曰夫痺氣之息者宜以鍼開  
除之氣勝血聚者宜石而泄之王注曰石砭也可以破

大癰出膿今以排鍼代之凡瘡瘍已覺微謾腫硬皮血不變色脉沉不痛者當外灸之引邪氣出而方止如有膿水者不可灸當刺之淺者亦不灸經曰陷者灸之如外微覺木硬而不痛者當急灸之是邪氣深陷也淺者不可灸慎之

諸病瘡瘍如嘔者是濕氣侵于胃也藥中宜倍加白朮服之

內踈黃連湯治嘔哕心逆發熱而煩脉沉而實腫硬木

悶而皮肉不變色根深大病在內藏府秘澁當急踈利之

黃連

芍藥

當歸

檳榔

木香

黃芩

山梔子

薄荷

桔梗

甘草

已上各一兩

連翹

二兩

右除檳榔木香二味為細末外並剉每服一兩水一盞半煎至一盞先喫一二服次每服加大黃一錢再服加二錢以利為度如有熱證止服黃連湯大便秘

澁加大黃覺無熱證少煎沒藥內托復煎散時時服  
之如實無熱及大小便通止服復煎散稍有熱證却  
服黃連湯秘則加大黃如此內外皆通榮衛和調則  
經絡自不遏絕矣

治腫焮于外根槃不深形證在表其脉多浮痛在皮肉  
邪氣盛則必侵于內急瀕內托以救其裏也服內托復  
煎散

地骨皮

黃耆

芍藥

黃芩

白朮

茯苓

人參

柳桂

味淡者

甘草

防己

當歸

已上各一兩

防風

二兩

右咬咀先煎蒼朮一斤用水五升煎至三升去朮滓入前藥十二味再煎至三四盞絞取清汁作三四服終日服之又煎蒼朮滓為湯去滓再依前煎服十二味滓此除濕散鬱熱使胃氣和平如或未已再作半料服之若大便秘及煩熱少服黃連湯如微利及煩熱已過却服復煎散半料如此使榮衛俱行邪氣不

能內侵也

治諸瘡瘍藏府已行如痛不可忍者可服當歸黃耆湯  
并加減在右

當歸

黃耆

地黃

地骨皮

川芎

芍藥

等分

右咬咀每服一兩水一椀煎至五分去滓溫服如發  
熱者加黃芩煩熱不能卧者加梔子如嘔是濕氣侵  
胃也倍加白朮

膏藥方

好芝蔴油

半斤

當歸

半兩

杏仁

四十九个去皮

桃柳枝

各四十九條長四指

右用桃柳二大枝新綿一葉包藥繫於一枝上內油中外一枝攪於鐵器內煎成入黃丹三兩一處熬水中滴成不散如珠子為度

治金絲瘡一云紅絲瘤其狀如線或如繩巨細不等經所謂丹毒是也但比煙毒不甚廣闊人患此疾頭手有之下行至心則死下有之上行亦然法當於瘡頭截經



而刺之以出血後嚼萍草根塗之立愈

治從高墮下涎潮昏冒此驚恐得也苦杖散

苦杖

不以  
多少

右細末熱酒調下如產後瘀血不散或聚血皆治之  
治丁瘡奪命散

烏頭尖

附子底

蝎梢

雄黃

各一錢

蜈蚣

一對

礪砂

粉霜

輕粉

麝香

乳香

各半錢

信

二錢半

腦子

少許

右為細末先破瘡出惡血畢以草杖頭用紙帶入于  
內以深為妙

治瘡難消不能作膿痛不止木香散

地骨皮

一兩去  
土皮

木香

半兩

穿山甲

二錢半  
炙黃

麝香

一字

右為細末酒調下三錢及小兒斑後生癰米飲調下

效如神

治丁瘡毒氣入腹昏悶不食

紫花地丁

蟬殼

管仲

各半兩

丁香

乳香

錢各一

右細末每服二錢溫酒調下

治惡瘡有死肉者及追膿

白丁香

輕粉

粉霜

雄黃

麝香

錢各一

巴豆

三個  
去油

右同研細新飯和作錠子用之

治諸瘡大疼痛不變肉色謾腫光色名曰附骨癰如神

三生散

露蜂房

蛇退皮

頭髮

洗淨等分

三味燒灰存性研細酒調三錢

治膀胱移熱于小腸上為口糜好飲酒人多有此疾當用蘗赤散五苓散各半兩煎服

治少陰口瘡半夏散若聲絕不出者是風寒遏絕陽氣不伸也

半夏

一兩製

桂

一字

草烏頭

一字

右同煎一盞水分作二服其效如神

治太陰口瘡甘礬散

生甘草

一寸

白礬

一栗子大

右噙化嚥津

治赤口瘡乳香散

乳香

沒藥

各一錢

白礬

飛半錢

銅綠

少許

為細末摻用

治白口瘡沒藥散

沒藥

乳香

雄黃

各一錢

輕粉

半錢

巴豆霜

少許

右細末乾摻

療癰論第二十七

夫療癰者經所謂結核是也或在耳前後連及頤頷下連缺盆皆為癰癰或在胸及胸之側下連兩脇皆為馬刀手足少陽主之此經多氣少血故多堅而少軟膿白而稀如泔水狀治者求水清可也如癰癰生去別經臨時於銅人內隨其所屬經絡部分對證之穴灸之并依

經內藥用之獨形而小者為結核續數連結者為瘰癧形表如蛤者為馬刀

治馬刀連翹湯

連翹

二斤

薤麥

一斤

大黃

三兩

甘草

二兩

右咬咀一兩水兩椀煎至一盞半早食後已時服在項兩邊是屬少陽經服藥十餘日後可於臨泣穴灸二七壯服藥不可住了至六十日決效有一方加大黃不用甘草更加貝母五兩雄黃七分檳榔半兩同

未熱水調下三五錢

治療癰文武膏

桑椹也

文武實

二斗黑熟者

右以布袋取汁銀石器中熬成薄膏白湯點一匙日  
三服

### 痔疾論第二十八

論曰手陽明大腸名曰害蜚

蜚蟲也

六元正紀論陽明又曰

司殺府

手陽明屬金

大腸名害蜚謂金能害五蟲又曰司殺府



謂金主殺既有此二名何以自生蟲蓋謂三焦相火盛而能制陽明金故木來相侮內經曰侮謂勝已也木主生五蟲叔和云氣主生于脾藏傍大腸疼、痛、陣、難、當、漸覺少瀉三焦熱莫謾多方立紀綱此言飲酒多食熱物脾生大熱而助三焦氣盛火能生土也當瀉三焦火熱退使金得氣而反制木木受制則五蟲不生病自愈矣  
蒼朮澤瀉丸

蒼朮

四兩  
去皮

澤瀉

二兩

枳實

二兩

地榆

二兩

皂子

二兩燒  
存性

右為細末燒飯為丸桐子大每服三十丸食前酒或  
未飲下

又方

川烏

炮

古石灰

等分

依前丸服

淋洗藥

天仙子

荊芥

小椒

蔓荊子

等分

右以水煎洗

黑地黃丸治痔之聖藥也在虛損門下有方

婦人胎產論第二十九

論曰婦人童幼天癸未行之間皆屬少陰天癸既行皆從厥陰論之天癸已絕乃屬太陰經也治胎產之病從厥陰經者是祖生化之源也厥陰與少陽相為表裏故治法無犯胃氣及上二焦為三禁不可汗不可下不可利小便發汗者同傷寒下早之證利大便則脉數而已動于脾利小便則內亡津液胃中枯燥製藥之法能不

犯三禁則榮衛自和榮衛和而寒熱止矣外則和于榮  
衛內則調于清便先將此法為之初治次後詳而論之  
見證消息同壞證傷寒為之緩治或小便不利或大便  
秘結或積熱於腸胃之間或以成瘕或散血氣而為浮  
腫蓋產理多門故同傷寒壞證如發渴而白虎氣弱則  
黃耆血刺痛而用以當歸腹中痛而加之芍藥已上例  
證不犯三禁皆產後之久病也凡產後暴病禁犯不可  
拘也如產後熱入血室者桃仁承氣抵當湯之類是也

胃堅燥者大承氣不可以世藥言之產後世人多用烏  
金四物是不知四時之寒熱不明血氣之虛與實盲然  
一槩用藥如此而愈加增劇是醫人誤之耳大抵產病  
天行從增損柴胡雜證從加添四物然春夏雖從柴胡  
秋冬約同四物藥性寒熱病證虛實不可不察也四物  
湯常病服餌四時各有增損今具增損于后

春倍川芎

一曰春二曰脉  
弦三曰頭痛

夏倍芍藥

一曰夏二曰  
脉洪三曰泄

秋倍地黃

一曰秋  
二曰脉

血虛

冬倍當歸

一曰冬二曰脉沉  
三曰寒而不食

此常服順四時之氣而有對

證不愈者謂失其輔也春防風四物

加防風  
倍川芎

夏黃芩四物

加黃芩  
倍芍藥

秋天門冬四物

加天門冬  
倍地黃

冬桂枝四物

加桂枝  
倍當歸

此四時常

服隨證用之也如血虛而腹痛微汗而惡風四物加茂

桂謂之腹痛六合如風虛眩運加秦艽羌活謂之風六

合如氣虛弱起則無力匡然而倒加厚朴陳皮謂之氣

六合如發熱而煩不能安卧者加黃連梔子謂之熱六

合如虛寒脉微氣難布息不渴清便自調加乾薑附子

謂之寒六合如中濕身沉重無力身涼微汗加白朮茯苓

苓謂之濕六合此婦人常病及產後病通用之藥也治婦人虛勞局方中謂之首尾六合者如大聖散下熟乾地黄凡是治無熱虛勞專其養也中道藥牡丹煎凡空心食前人參荊芥散臨卧食後是治有熱虛勞藥也

治婦人懷胎腹脹枳殼湯

枳殼

炒 三兩

黃芩

一兩

右為麤末每服半兩水一盞半煎一盞去滓溫服

治產前脹滿身體沉重枳殼湯中加白朮一兩

治產前寒熱小柴胡湯中去半夏謂之黃龍湯

治懷孕胎漏二黃散

生地黃

熟地黃

各等分

右為細末加白朮枳殼湯調下一兩日二服

治有孕胎痛地黃當歸湯

當歸

一兩

熟地黃

二兩

右為麤末作一服水三升煎至升半去滓頓服

東胎丸



白朮

枳殼

去穢炒等分

右為末燒飯為丸如桐子大八月一日食前服三五  
十丸溫熟水下胎瘦易生也服至產則已

產間藥

治胎衣不下或子死腹中或血衝上昏悶或暴血下及  
胞乾而不能產者宜服半夏湯

半夏麴

一兩半

桂

七錢半去皮

大黃

五錢

桃仁

三十箇去皮尖炒

右為細末先服四物湯三兩服次服半夏湯三錢生

薑三片水一盞煎去三分食後如未效次服下胎丸

下胎丸

半夏

生

白欬

各半兩

右為細末滴水為丸如桐子大食後用半夏湯下三  
二丸續續加至五七丸如有未效者須廣大其藥榆  
白皮散主之又不效大聖散主之有宿熱人宜服人  
參荊芥散

產後藥

治產後經水適斷感于異證手足牽搐咬牙昏冒宜增損柴胡湯

柴胡

錢八

黃芩

錢四半

人參

錢三

半夏

錢三

石膏

錢四

知母

錢二

黃耆

錢五

甘草

錢四灸

右為麤末每服半兩生薑五片棗四箇水一盞半煎至一盞溫服清無時

前證已去次服秦芫湯去其風邪

秦芫

錢八

人參

錢三

防風

錢四半

芍藥

兩半

柴胡

八錢

黃芩

四錢半

半夏

三錢

甘草

四錢炙

石為麤末每服五七錢水一盞煎至七分溫服清無  
時二三日經水復行前證退宜服荊芥散小柴胡小  
料中加荊芥穗五錢枳殼五錢麩炒去穰同小柴胡  
湯煎服三二日後宜正脾胃之氣兼除風邪宜服防  
風湯

蒼朮

四兩

防風

三兩

當歸

一兩半

羌活

一兩半

右為麤末每服一二兩水三盞煎至一盞半取清續

續常服無時

凡胎前之藥無犯胎氣產後變化並同傷寒無證盡從  
加減四物湯

治產後腹大堅滿喘不能卧白聖散

樟柳根

三兩

大戟

一兩半

甘遂

一兩炒

右為極細末每服二三錢熱湯調下取大便宣利為  
度此藥主水氣之勝藥也

治產後風氣在表面目四肢浮腫宜加減局方中七聖

丸每服二十九白湯下日加三四丸以利為度如浮腫喘嗽加木香檳榔倍之謂氣多浮則腫如頭目昏冒加羌活川芎謂多風也如只浮腫依七聖丸本方服之治產後日久虛勞雖日久而脉浮疾者宜服三元湯

柴胡

八錢

黃芩

人參

半夏

洗

甘草

炙已上各三錢

川芎

芍藥

熟地黃

當歸

各二錢半

右為麤末同小柴胡湯煎服

治日久勞虛微有寒熱脉沉而浮宜柴胡四物湯

川芎

熟地黃

當歸

芍藥

各一兩半

柴胡

錢

人參

黃芩

甘草

半夏

已上各三錢

右為麤末同四物煎服

如日久虛勞鍼灸小藥俱不效者宜服三分散

白朮

茯苓

黃耆

川芎

芍藥

熟地黃

當歸

各一兩

柴胡

一兩六錢

黃芩

六錢

人參

一兩六錢

半夏

六錢

甘草

六錢

右為麤末每服一兩水一盞煎至半盞溫服清日一服  
治產後虛勞不能食宜十全散

白朮

茯苓

黃耆

各二兩

人參

川芎

芍藥

熟地黄

當歸

各一兩

桂

一兩半

甘草

一兩半炙

右剉如麻豆每服半兩水一盞半入生薑五片棗三枚同煎至七分空心食前溫服清



凡虛損病者淺深治有次第虛損論中詳論之

治產後諸風痿攣無力血風湯

秦艽

羌活

防風

白芷

川芎

芍藥

當歸

地黃

白朮

茯苓

各等分

右為細末一半煉蜜丸如桐子大一半散溫酒調下  
丸子五七十丸甚妙

治產後諸積不可攻當養陰去熱其病自退宜服芍藥

湯

芍藥

一斤

黃芩

茯苓

各六兩

右三味為麤末每服半兩水煎日三服去滓溫服

治產後兒枕大痛黑白散

烏金石

燒紅醋七遍  
另為細末

寒水石

燒存  
性末

右二味各等分另頓放臨服各抄末一錢半粥飲湯  
下痛止便不可服未止再服大效

治產後不煩而渴桃花散

新石灰一兩

黃丹半錢

石細末渴時冷漿水調一錢服

治產後衝脹胸中有物狀是噎氣不降紫金丹

代赭石 硃礬石

各等

石為細末醋糊為丸如桐子大每服三五丸酒下  
胃中痛加當歸湯下久服治血癖

又方

代赭石一兩

桃仁三錢炒去皮尖

大黃五錢

右為末薄荷水為糊凡如桐子大每服三五丸溫水下無時

治臍腹痛不可忍四物湯一兩加玄胡三錢半

治血癖腹痛及血刺腰痛四物湯細末二兩加酒煮玄胡細末三兩每服三錢酒調下

治血運血結血聚於胸中或偏于少腹或連于肋脇四物湯四兩倍當歸川芎加鬼箭紅花玄胡各一兩同為末如四物湯煎服取清調沒藥散服之

沒藥散

盲虫

一錢去足羽炒

水蛭

一錢炒

麝香

沒藥

三錢

右為細末煎前藥調服血下痛止只服前藥

治產後頭痛血虛痰癖寒厥皆令頭痛加減四物湯

羌活

川芎

防風

香附子

炒

白芷

已上各一兩

石膏

二兩半

細辛

二錢

當歸

五錢

熟地黄

一兩

甘草

五錢

蒼朮

二兩六錢去皮

右為麤末每服一兩水煎服無時如有汗者是氣弱

頭痛也方中加芍藥三兩桂一兩半加生薑煎如痰  
癖頭疼加半夏三兩茯苓一兩半加生薑煎如熱厥  
頭痛又加白芷三兩石膏三兩知母一兩半寒厥頭  
痛加天麻三兩附子一兩半生薑煎

治產後風虛血眩精神昏昧荊芥散

荊芥穗

一兩  
三錢

桃仁

五錢  
去  
皮尖炒

右為細末溫水調服三錢微喘加杏仁

去皮  
尖炒

甘草炒各

三錢

治產前證胎不動如重物下墜腹冷如水立效散

川芎

當歸各等分

右為麤末每服秤三錢水二盞煎至一盞去滓食前服

治婦人胎漏及因事下血枳殼湯

枳殼

半兩

黃芩

半兩

白朮

一兩

右為麤末每服五七錢水一盞煎至七分食前空心服

治婦人筋骨痛及頭痛脉弦增寒如瘧宜服風六合

四物湯四兩加羌活防風各一兩

治婦人血氣上衝心腹肋下悶宜服治氣六合湯

四物四兩加木香檳榔各半兩

治婦人臍下冷腹痛腰脊痛宜服玄胡六合湯

四物內加玄胡苦練炒各一兩

治婦人氣充經脉月事頻併臍下痛宜芍藥六合

四物內倍加芍藥

治婦人經事欲行臍腹絞痛宜服八物湯



四物內加玄胡苦練各一兩檳榔木香各半兩

治婦人經水過多別無餘證

四物內加黃芩白朮各一兩

治婦人經水澁少

四物內加葵花煎

治婦人虛勞氣弱喘嗽胸滿宜氣六合

四物內加厚朴一兩製枳實半兩炒

已上煎法並同四物服之

四物主治法

熟地黃補血如臍下痛非熟地黃不能除此通腎經之藥也

川芎治風瀉肝木如血虛頭痛非川芎不能除去此通肝經之藥也

芍藥和血理脾治腹痛非芍藥不能除此通脾經之藥也  
常歸和血如血刺痛非當歸不能除如刀刺狀此通腎經之藥也

以上四味治法如顯一證於四物湯中各加二味用之  
如少腹痛四物湯四兩加玄胡苦練各一兩經水暴多  
四物四兩加黃芩一兩如腹痛者只加黃連如夏月用  
不去黃芩經水如黑豆水加黃連黃芩各一兩如經水  
少而色血和者四物四兩加熟地黃當歸各一兩如經  
水適來適斷往來寒熱者先服小柴胡以去其寒熱後  
以四物湯調治之如寒熱不退勿服四物是謂變證表  
邪猶存不能効也依前論中變證隨證用藥調治之

治婦人血積增損四物湯

四物內加廣茂京三稜桂乾漆皆依法製各加一兩如四物煎服

治婦人產後血昏血崩月事不調遠年乾血氣皆治之名曰紅花散

乾荷葉

牡丹皮

當歸

紅花

蒲黃炒

右各等分為細末每服半兩酒煎和滓溫服如衣不

下另末榆白皮煎湯調半兩立效

治婦人惡物不下

當歸炒

芫花炒

右細末酒調三錢又好墨醋碎末之小便酒調下妙

又治胎衣不下蛇退皮焦炒細末二錢酒調下

諸見血無寒衄血下血吐血溺血皆屬于熱但血家證皆宜服此藥生地黃散

生地黃

熟地黃

枸杞子

地骨皮

天門冬

黃耆

芍藥

甘草

黃芩

右各等分同剉每服一兩水一盞半煎至一盞去滓  
溫服脉微身涼惡風每一兩加桂半錢吐血者多有  
此證

治衄血不止麥門冬飲子

麥門冬

生地黃

右等分剉每服一兩煎服又衄血先硃砂蛤粉次木

香黃連大便結下之大黃芒硝甘草生地黃澹軟梔  
子黃芩黃連可選用

帶下論附

論曰赤者熱入小腸白者熱入大腸原其本也皆濕熱  
結于脉故津液湧溢是為赤白帶下本不病緣五脉經  
虛結熱屈滯于帶故女子臍下痠痛而綿綿陰器中時  
下也故經曰任脉為病男子內結七疝女子帶下瘕聚  
王注曰任脉自胞上過帶脉貫於臍上故男子內結七

疝女子帶下帶脉起于季脇章門如束帶狀令濕熱寬  
結不散故為病也經曰脾傳之腎病名曰瘕疝小腹寬  
熱而痛出白一名曰蠱所以為帶下寬屈也寬結也屈  
滯而病熱不散先以十棗湯下之後服苦練丸大玄胡  
散調下之熱去濕除病自愈也如女子不月先瀉心火  
血自下也內經曰二陽之病發心脾有不得隱曲故女  
子不月其傳為風消王注曰大腸胃發病也心脾受之  
心主血心病則血不流脾主味脾病則味不化味不化



則精不足精血不足故其證不能已虧則風邪勝而真氣愈消也又經曰月事不來者胞脉閉也胞脉屬於心而絡於胞中令氣上迫肺氣不得上通故月事不來先服降心火之劑後服局方中五補丸後以衛生湯治脾養血氣也

苦練丸治婦人赤白帶下

苦練

碎酒浸

茴香

炒

當歸

右等分為細末酒糊丸如桐子大每服三五十丸空

心酒下腰腿痛疼四物四兩加羌活防風各一兩  
衛生湯

當歸

白芍藥

各二兩

黃耆

三兩

甘草

一兩

右為麤末每服半兩水二盞煎至一盞去滓溫服空  
心如虛者加人參一兩

大頭論第三十

夫大頭病者是陽明邪熱太甚資實少陽相火而為之  
也多在少陽或在陽明或傳太陽視其腫勢在何部分

隨經取之濕熱為腫木盛為痛此邪見於頭多在兩耳  
前後先出皆主其病也治之大不宜藥速速則過其病  
所謂上熱未除中寒復生必傷人命此病是自外而之  
內者是血病況頭部分受邪見于無邪迹之部當先緩  
而後急先緩者謂邪氣在上著無形之分部既著無形  
無所不至若用重劑速下過其病難已雖用緩藥若急  
服之或食前或頓服皆失緩體則藥不能得除病當徐  
徐浸漬無形之邪也或藥性味形體擬象皆要不離緩

體是也且後急者謂緩劑已瀉邪氣入於中是到陰部  
染於有形質之所若不速去則損陰也此終治却為客  
邪當急去之是治客以急也且治主當緩者謂陽邪在  
上陰邪在下各本家病也若急治之不能解紛而益亂  
也此故主主當緩治客以急者謂陽分受陰邪陰分受  
陽邪此客氣急除去之也假令少陽陽明為病少陽為  
邪出于耳之前後也陽明為邪者首大腫是也先以黃  
芩黃連甘草湯通炒過剉煎少少不住服或劑畢再用

大黃煨鼠粘子新瓦上炒香煎藥成去滓內芒硝俱各等分亦時時呷之無令飲食在前得微利及邪氣已只服前藥如不已再同前次第服之取大便利邪氣即止如陽明渴者加石膏如少陽渴者加瓜蒌根陽明行經升麻芍藥葛根甘草太陽行經羌活防風之類

雷頭風附

夫治雷頭者諸藥不效為與證不相對也夫雷頭者震卦主之震仰盂故予製藥內加荷葉謂象其震之形其

色又青乃迷類象形也當煎局方中升麻湯

升麻湯

一兩

蒼朮

一兩

荷葉一箇全者

右為細末每服五錢水一盞煎七分溫服食後或燒  
全荷葉一箇研細調煎藥服亦妙

耳論附

論曰耳者蓋非一也以竅言之是水也以聲言之金也  
以經言之手足少陽俱會其中也有從內不能聽者主  
也有從外不能入者經也有若蟬鳴者有若鐘聲者有

若火煇煇狀者各隨經見之其間虛實不可不察也假令耳聾者腎也何謂治肺肺主聲鼻塞者肺也何謂治心心主臭如推此法皆從受氣為始腎受氣於己心受氣於亥肝受氣於甲肺受氣於寅脾正四季此法皆長生之道也

小兒斑疹論第三十一

論曰斑疹之病其狀各異瘡發焮腫于外屬少陽三焦相火謂之斑小紅壓行於皮膚之中不出者屬少陰君

火也謂之疹凡顯斑證者若自吐瀉者慎勿治則多吉  
謂邪氣上下皆出也大凡瘡疹首尾皆不可下恐妄動  
而生變此謂少陽通表宜和之也當先安其裏以解毒  
次微發之安裏解毒者謂能安和五藏防風湯是也如  
大便不秘次微發之微發之藥錢氏中甚多宜選用之  
如大便過秘宜微利之當歸丸棗變百祥丸是也初知  
是斑疹若便發之令斑併出小兒難禁是使別生他證  
也首尾不可下者首曰上焦尾曰下焦若已吐利不可



下也便宜安裏藥三五服如能食大便秘者內實宜微  
踈利之若內虛而利者宜安裏藥三五服末後一服調  
微發之藥服之大抵用安裏之藥多發表之藥少秘則  
微踈之邪氣不併出能作番次使小兒易禁也身溫者  
順身涼者逆則宜服防風湯以和之

防風湯

防風

一兩

地骨皮

黃耆

芍藥

枳殼

荊芥穗

牛旁子

已上各半兩

右為細末溫水調下或為麤末煎服二三錢更妙

治大便秘而內實能食宜當歸丸

當歸

五錢

黃連

二錢半

大黃

二錢

甘草

一錢炙

先將當歸熬作膏子入藥三味為丸漸次服十丸

治斑疹大便秘結棗變百祥丸

大戟

去骨一兩

棗

三箇去核

右二味用水一椀煎至水盡為度去大戟不用將棗

焙乾可和劑旋丸從少至多以利為度

五臟病各有所見證

熱則從心寒則從腎嗽而氣上則從肺風從肝瀉從脾  
假令瀉見嗽而氣上脾肺病也瀉白益黃散合而服之又  
宜黃芩厚朴湯白朮厚朴湯謂脾苦濕肺苦燥氣則上逆  
也其證先瀉又兼面色黃腸鳴嘔者是也如見渴熱  
多者當服厚朴湯下渴熱少者當服白朮厚朴湯其他  
五臟若有兼證皆如此類然更詳後說四時經移用藥  
假令春分前風寒也宜用地黃羌活防風或地黃丸及

瀉青相間服之春分後風熱也宜用羌活防風黃芩或  
瀉青丸用導赤散下之立夏之後熱也用三黃丸導赤  
散夏至後濕熱也宜導赤瀉黃丸合而服之或黃芩甘  
草白朮茯苓之類為勝濕之藥立秋後宜用益黃散瀉  
白散陳皮厚朴人參木香之類秋分後用瀉白散立冬  
之後地黃丸主之謂腎不受瀉也大凡小兒斑疹已發  
有瘡有聲音者乃形病氣不病也無瘡無聲音者乃氣  
病形不病也有瘡而無聲音者是形氣俱病也後一證

當清利肺氣八風湯或涼膈散大黃芒硝亦可或如聖湯加大黃或八味羌活湯加大黃此是春時發斑謂之風斑耳瘡疹者內經云痛痺瘡瘍皆屬心火斑子者是相君行命三焦真陽氣之所作也若氣入肺變膿胞入肝為水胞自病為斑心乃君火入於皮作癰疹為肺主皮毛心不害肺金此乃君之德也未瘡而發搐而外感寒邪內發心熱而發搐用茶粉下解毒丸或犀角地黄湯主之已發便稠密形勢如針頭者當輕發其表涼其

內連翹升麻湯主之若斑已發稠密甚而微喘飲水有熱證當以去風藥微下之若出不快清便自調知為在表不在裏當微發之升麻葛根湯主之若有乾黑陷身不大熱大小便澀則知熱在內當煎大黃湯下宣風散身表大熱者表證未罷不可利大便若斑疹已出見小熱小便不利者當利小便已發後有毒餘不散為復有身熱癰瘡之類當用解毒之藥

藥畧第三十二

針法附

羌活

治支節痛太陰經風藥也

防風

療風通用

甘草

和中調諸藥

肉桂

通氣助腸

桂枝

開汗和表

麻黃

發太陽陰經汗

桃仁

滋血破血

黃芩

瀉肝氣

雄黃

去風

白芷

治正陽明頭痛

知母

泄腎火助陰

石膏

瀉肺火是陽明大涼藥

半夏

去痰

柴胡

治少陽厥陰寒熱往來

芍藥

止脾痛安太陰

人參

補氣和中

瓜蒂

治濕在上頭吐藥

赤豆

利小便

杏仁

潤肺除燥

蒼朮

溫中去濕熱強胃

草烏頭

熱行經

南星

治風痰須用

天麻

治頭風

神麴

消食強胃

白朮

蒼朮同

陳皮

益氣

枳實

治心下痞

枳殼

利胸中氣消痞

黃連

泄火

白茯苓

瀉利小便太陰經藥

苦苧蘆

瀉肺火

桔梗

治咽喉痛利肺氣

大黃 泄實熱

厚朴 治脹滿厚腸

黃耆 止汗治諸氣虛不足

檳榔 破氣不行

荊芥 清利頭目

烏梅肉 助脾收胃飲食

沉香 益氣和神

肉豆蔻 治大腸腸滑

附子 補命及心火

朴硝 寒滅去燥

梔子 除煩利氣行小便

當歸 補三陰血不足

川芎 太陽頭痛

地黃 補腎真陰不足膝下痛

草薢 補腎不足

杜仲 壯筋骨兩全

牛膝 補筋益脾

薏蓉 益陽道及命門火衰

沙苑蒺藜 補腎水真陰

破故紙 補命門不足

五味子 補五臟氣不足

巴豆 去濕之過藥

細辛 少陰頭痛不足

升麻 陽明經和解毒

蛇蛻 去皮膚風燥

茴香 利小便補腎去沉寒助陽

苦練子 去小腹痛

廣茂 去積聚

乾薑 益氣和中

生地黃 涼血

沒藥 除血痛和血之勝藥也

地榆 治下部有血



澤瀉

治少陰不渴而小便不利及膀胱中有留

土 黑 平 中  
火 白 涼 甘  
水 黃 溫 鹹 輕  
木 赤 熱 酸 實  
金 青 寒 辛 虛  
形 色 性 味 體  
氣 味 性 味 體

流注鍼法

輕枯虛薄緩淺假宜上厚  
重實潤深真急宜下其中  
平者宜中餘形色性味皆  
隨藏腑所宜此處方用藥  
之大槩耳知者誠用心則  
思過半矣

心缺 脉沉腎經原穴 弦肝經原穴 澁肺經原穴

缺 肝經原穴 緩脾經原穴

缺 身之前足陽明原穴 衝陽 身之後足太陽原穴 京骨

身之側足少陽原穴 丘墟

針之最要

兩脇痛針少陽經丘墟 心痛針少陰經太谿湧泉及  
足厥陰原穴 腰疼不可忍針崑崙及刺委中出血太  
陽喘滿痰實口中如膠針太谿穴 噦嘔無度針手厥

陰太陵穴 頭痛不可忍針足厥陰太陽經原穴 熱

無度不可止刺陷骨穴出血 骨熱不可治前板齒乾

燥當灸骨會大推 小腸疝痛當刺足厥陰肝經大衝

穴 血不止鼻衄大小便皆血血崩當刺足太陰井隱

白 喉閉刺少陽手足井并刺少商及足太陰井 火

煩熱晝夜不息刺十指間出血謂之八關大刺 目疾

睛痛欲出亦大刺八關 百節痠痛實無所知三稜針


刺絕骨出血

眼大背痛刺手太陽井穴少澤

小背痛刺少陽井穴關衝

陰頭中痛不可忍者卒疝也婦人陰中痛皆刺足厥陰

井穴敦穴



保命集卷下